



陶菴集

十六

墓碣

~16  
2325  
16





4. 16  
2325  
25-16

陶菴先生集卷三十一目錄



墓碣

高麗直提學金公 若時 墓碣

監察柳公 自湄 墓碣

掌令崔公 亨漢 墓碣

持平晦谷趙公 廣佐 墓碣

察訪南公 知言 墓碣

縣監朴公 光前 墓碣

牧使徐公 益 墓碣

正郎楊公 士衡 墓碣





縣監洪公百順墓碣

參奉任公興墓碣

從事李公慶流墓碣

判敦寧尹公綱墓碣

參奉金公萍墓碣

洗馬趙公平墓碣

典籤鄭公儁墓碣

郡守柳公允昌墓碣

縣監朴公廷龍墓碣

直講朴公興宗墓碣

參奉孔公德一墓碣

縣監姜公怡墓碣

正郎柳公炫墓碣

參奉朴公惟棟墓碣







人莫測其懷亦不知爲誰某也 太祖物色得之特  
賜誠明坊第 手書書松軒御號蓋待以布衣交也  
又授以原官欲強之公託青盲終不起嘗謂家人曰  
吾國亡不死其不能高舉遐遁者以先人邱墓在耳  
我死葬此不封不樹用石二左右置識之及卒從其  
言至 顯廟朝嘗夜對公後孫宇亨爲承旨語及公  
遺事 上歎曰爾祖節操奇哉公之系大提學積判  
軍器寺事英利光城君鼎是曾祖祖若考前後夫人  
礪山宋氏原州元氏子孫顯者提學礪檢閱神童典  
翰虬府尹穎男監司止男參判質幹宇亨後爲判書

十代孫岱壽十一代孫正言壽錫謀曰吾祖墓無刻  
百世之後誰知者治命雖如彼不朽之圖吾責也遂  
謁文於余余惟公高風峻節蓋與吉注書相似而公  
則又泯其迹焉 聖祖一言之褒豈有感於夫子稱  
泰伯之義歟然隱晦亦皆有時於公何加損焉惟一  
段赤心足以貫金石而通天地今不必鋪張揚厲以  
傷公素志只曰高麗直提學金公某之墓足矣

監察柳公墓碣

國朝節義惟 莊陵爲盛世所稱六先生者固焯然  
與日月爭光矣其餘晦迹山林者又不知其幾而乃



附錄先生集卷三十一  
或歷數百年始顯余得一人焉曰監察柳公自涓其  
家乘云公景泰辛未文科越五載乙亥爲禪受  
之際公即走入空門以沒其身公子集賢校理輕欲  
從公公不可強之仕每請覲輒曰臣父得心疾放浪  
山水間云始寓首陽之神光晚移西山遺戒治喪勿  
用浮屠法且曰吾不能死於君母葬先人側墓道毋  
書汝曹推恩官職及卒諸子不敢違臧獲之在海州  
者歸于宗子家至今有榛栗粟米海菜箕帚之貢蓋  
自公在首陽始公文化人政丞曼殊商議中樞原之  
縣監洽爲公三世公子七輪縣令輕贊成軫軒大司

憲轅縣監輔直長輯正郎輯之婦成先生三問之孫  
也公墓在楊州之漢洞久而失其處肅宗辛酉後  
孫世鼎得片石於墓前書曰司憲監察柳自涓宛然  
可讀遂走相告子孫後先來謁而封築之曰裸曰世  
顯與世鼎皆輕之後曰震芳軒之後曰亨培轅之後  
自是墓有主裸之子世茂又樹碣以表其事屬余文  
竊迹公大節實與清寒翁一流耳清寒顯公則晦此  
曷故焉余嘗寓東峽其地多清寒故棲樵童牧豎能  
識其名躑躅不能去不知採薇遺墟亦猶是也否余  
登西山欲訪公事蹟而烟雲草莽杳然不可識矣然



公之墓既失而復顯則是公大節終不可得而晦也  
豈遲速有時而然歟栗谷先生傳清寒翁雖病其拋  
棄名教而至論其節義則曰雖謂之百世之師亦近  
之使公顯於一時卽當同傳豈容改評姑記此以俟  
後之尙論者云

掌令崔公墓碣

往在燕山之世士禍罔極一時賢人君子芟刈斬伐  
殆不可勝記至今思之可爲於邑余從湖南士友得  
辛參奉應純所爲輯錄者讀之有曰掌令崔亨漢貫  
慶州生員永源之第二子也燕山荒淫無度乃敢抗

直待命闕下遂自盡焉公卽其人也余竊悼公遭時  
之不幸懷忠掩抑而死然當時事實莫詳於戊午黨  
籍而公則無少概見豈公之死在於戊午之先歟是  
未敢知也崔氏家乘盡逸於兵燹惟得於先輩文字  
者略有可据蓋公 成化庚子進士越四年癸卯及  
第連喪二親服闋始由館薦拜司憲府監察充書狀  
朝燕比還出監玉果縣旋授靈巖郡守入爲掌令是  
公履歷而其赴玉果也朝廷咸惜其去濯纓金公駟  
孫作序以將之謂公文學優贍引重甚盛公世居光  
州州之西巾之山親墓在焉去家纔一里公作亭於



陶庵先生集卷三十一  
其側名曰永思成情齋倪爲記文稱道其孝公之見  
推於一代名士大夫者如此而獨恨夫致命一事無  
足以考信者嗚呼古之人諫於其君而不聽則去否  
則死於職下又往往憂憤鬱塞無以見其志則寧引  
決以自快焉公旣不能去則其死也固不出於斯二  
者矣然其抗直之辭不可得以詳而况所謂自盡者  
或引毆或仰藥其事不一則不知公所處又果如何  
也是則國史氏必有大書特書者後之人當自知之  
然知不知於公亦何加損焉公字倬卿其先自麗朝  
政丞雞林府院君光位始其後孫潞中領郎將郎將

之子仲濟縣監輯錄所稱生員其子也公外祖曰生  
員陰城朴繼陽公娶靈光金氏郎將孝本之女三男  
三女男長彥滌生進兩試次彥泓進士次彥冲生員  
女爲進士宋驪參奉丁需參奉張倪妻彥滌男松年  
文科縣監彥泓男栢年部將春年參奉彥冲男應期  
應世應時張婿之子以吉司諫三房子孫甚蕃而俱  
以儒業承家云公之墓亦在巾之山八世孫進士洛  
及沃來請樹隧之文余謂公之事迹固微而不章而  
乃其心則蓋所謂天理民彝之不可泯者理必終顯  
於世盍少遲之洛作而言曰雖然願且得子之言以



所諸後也余不能辭銘曰

我聞濯纓節行之士餘事文章闊步高視而獨於公引重若是聲氣之同孰疑其死百世之後請徵國史

持平晦谷趙公墓碣

嗚呼此已卯名賢晦谷趙先生廣佐之墓也其仲兄廣輔號方隱者葬在其上幾十步先生漢陽人與靜菴先生爲袒免親而道義相契俱居龍仁相距纔十里李陰崖籽又廬其間有切偲講磨之益或漁於川或採於山又或吟風弄月以歸其樂蓋有人不及知者矣故老傳言四先生每食未嘗異器又使一匙且

謀作四隱亭於斗巖巖上不果云靜菴與陰崖諸賢一時彙征先生亦薦授刑曹正郎尋擢司憲府持平方設賢良科先生與其薦而不肯就靜菴時爲大司憲先生同伏閣請削靖國勳濫猥者累啓始從及禍作與大司憲柳雲力救靜菴不從已而靜菴受後命與黨籍者三十九人先生亦削奪辛巳宋祀連上變先生被逮卒拷死十月二十日也年三十八方隱自甲戌佯狂自晦後亦爲袞貞所誣幾死而免陰崖嘗言孝直能起季良而不能起仲翼蓋孝直知仲翼之不欲仕而仲翼實高我輩數等耳又曰孝直常稱



仲翼曰顏子復生稱季良曰豪傑之士孝直靜菴字仲翼季良先生兄弟字也先生性至孝其在親側夜不解衣蟣蝨滿體凡於享先供老雖曰杵之役必身為之故老相傳又如此而金濯纓駟孫作先生伯兄正字廣臨之碣有曰兄弟日講小學務道以善先生天分固過人而其得於學問者亦不可誣也趙氏出自麗朝僉議中書之壽有漢平府院君涓以我太祖甥策佐命功是生慕知敦寧生宗孝僉知中樞生勛郡守先生考也先生配丹陽李氏有繼子沆方隱無后云先生五代孫僉知廷翊廷賓來謁文余謂先

生德業之盛人鮮克知之然靜菴之道尊則先生之道亦尊靜菴之名不滅則先生之名亦將不滅矣何待余言顧余方寓是土幸而與先生同鄉幸州又吾故里而先生之藏適在於斯所以聞風而景仰者實百倍於人而託名於斯文亦幸也先生家乘失於禍燹無一二可徵者略取野史所載及陰崖書牘叙爲此文俾揭於墓側而於方隱事亦不敢全沒者蓋倣古人同傳之意也後之人尙或有以攷焉銘曰  
嗚呼盛哉漢陽之門旣生靜菴又有先生一之已難  
而况其三百世之後誰其知者我徵劔潭



察訪南公墓碣

黃澗之南有所謂考槃臺者鄉人指以謂曰此三槐翁故墟也翁明廟時人諱知言字慎之始除齋郎不就爲金泉道察訪一赴官卽歸相泉石佳處築室以居婆娑偃仰以終其身門外有三槐因以號焉歿幾二百年人高其節猶誦道不衰然公自幼少時能事親以禮養則致其忠喪則極其哀祭則盡其敬其事載邑志甚詳讀之者曰幸哉有是子此尤其大者也始公早工文中鄉試第一見士習不美不復就會圍或勸之則作詩以見意鄉有不孝者公每出取迂

徑不肯過其門喜讀朱子書小學與村秀學子講討不倦病革問日如何強起盥櫛正席而逝距其生正德丁卯六十公之考參奉諱寅以孝聞于朝公又就婦翁嵐亭金公始昌學嵐亭以小學律身者稱人之美必本其父兄師友豈不信然南氏籍英陽後改固城有諱琴吏曹參判其子義文始居黃澗生世智奉事於參奉公爲考外祖贈判書高靈申洞公二子長景孝直長次景悌景孝能世其孝人謂南氏三孝守約守謙守柔皆大耄通政守一縣令長房出公墓在壽山與考槃臺相望其來孫道弘以文巖鄭公



陸者先生集卷三十一  
澔狀來請銘銘曰  
黃溪之水其流洋洋碩人在淵其樂無央然且有  
大孝爲行源勉哉後人尚式斯墳

縣監朴公墓碣

退陶門人之賢者在湖南則有曰朴公光前字顯哉  
竹川其號也其先出珍原縣國初有直提學熙中其  
子暉贅于寶城子孫仍家焉曾祖胤原生員祖衍宣  
教郎考而諛進士公少善文辭父兄命以科業而意  
殊不樂間取性理全書潛心玩索欣若有得自己卯  
士禍以來士大夫諱言道學公能奮發自立其志固

已卓然而晚始請業於退陶之門先生方手抄朱子  
書顧語公曰此爲學根基也臨別贈詩五章獎勵甚  
至 隆慶戊辰進士柳眉巖希春爲監司搜訪人才  
以公應 命除 慶基殿參奉移 獻陵旣而棄歸  
復除冰庫別坐時國無儲嗣以輔導王子爲急公及  
河洛爲師傅每講河務多公務精 上考王子所讀  
而曰多則不精當從朴師傅秩滿遷監察出爲咸悅  
縣監慈良樂易民皆親之公暇詣鄉學引邑子與講  
以事忤方伯罷後由掌苑爲懷德縣其決獄訟不畏  
權勢又不苟循上官意旋罷歸壬辰之難同任公啓



英倡義兵討賊及光海以世子監軍南下公進見陳時事十餘條亂定用募粟勞拜軍資正公蹙然曰無功敢安其賞因任公以實自列遂寢不行識者義之除翊衛一謝而歸丁酉寇又犯湖徼鄉人推公爲義將公曰吾雖老敢愛一死室文氏卒於亂中公疾亦甚猶能以忠義自勵軍聲稍振守宰之烏獸竄者忌其成功反沮撓之未幾卒時十一月十八日也壽七十二葬于同郡沙谷坐艮之原後 贈左承旨公內行純備事父母未嘗少違其志老而執喪愈固篤於奉先厚於親族平居矩度甚嚴而誠心接物和氣藹

然無賢不肖皆不厭焉其學專務爲己積之既厚晦而益章教人先以小學喪祭悉從家禮蓋一以朱門爲準而先生嘗授節要一帙公終身讀誦而不怠有質疑一冊行于世文氏僉使亮之女男根孝縣監根悌參奉孫曰春秀春長春豪曾孫曰震亨益亨賁亨同亨濟亨有亨世亨蔓亨婿之顯者判書李光迪餘不盡載公沒既百有餘年其造德淺深有未易窺測者而門人叙述猶可徵信安牛山邦俊之論湖南名儒以河西爲首高峰一齋眉巖及公次之其言非阿好者而其稱公則又曰踐履篤實嗚呼若公者豈古



所謂可知爲先生弟子者耶銘曰  
退陶之學實本朱子一部節要乃其宗旨誰當授者  
曰汝爲己公起且拜小子無似積誠單心庶幾於是  
造次顛沛斃而後已我考其用孝有終始義無後君  
忠不惜死人道之大要不外此不負所學嘻其賢矣  
惟公德行有源有委我徵牛老以揚厥美

牧使徐公墓碣

栗谷先生嘗疾革口號北邊方略以授受 命巡撫  
者徐公益字君受其人也公還條便宜十二策以上  
時先生已卒朝廷不能用重峰趙公憲上書訟之不

報蓋公與先生爲道義交又與鄭松江澈最善一日  
松江自南造朝候先生與語移晷先生曰子見君受  
來耶其言論風采相類也先生以東西相軋爲溪憂  
至誠調娛而卒不得後汝立追攻先生并及松江公  
在義州慨然上疏爲諸賢辨誣極論汝立前後反覆  
狀且以一父遇諸子之變置酒泣告使諸子感動爲  
喻曰臣恐兩家子弟一成一敗世世爲敵爲 殿下  
子孫萬世之患也 上不省比解歸時象日乖悒悒  
不喜在朝棲遑兩湖間高山山水清絕公意樂之置  
一亭脩竹萬竿仍自號曰萬竹始汝立有盛名公一



訪之知其隱匿不見而歸上疏言汝立外竊重望內  
實陰詭必將圖不軌願早爲之徙薪 上焚其疏及  
汝立伏誅 上始歎其先見公歿已三載矣 命索  
其半橐于家家無存者疏遂不傳公先出百濟在高  
麗兵部尚書存最顯其後貞壽當我 世祖時謫恩  
津子孫仍家焉於公爲五世高祖熙曾祖秀孫祖進  
士寬考震男外祖直提學樽巖李公若海已卯名賢  
也公文藻夙成十三魁湖試甲子生員第二時粟谷  
爲魁己巳文科於內歷兵吏二曹郎弘文館校理議  
政府舍人外則舒川安東義州而義州其擢也嘗屢

擬臺閣 上靳之銓臣請其故則曰其人太直處以  
糾繩之職恐朝廷無完人也公家乘散佚其踐歷事  
業皆不可詳也或傳公少讀書山寺夜如廁有魅犯  
之叱之使退一公館舊廢使星過者往往睡魘不起  
公獨明燭看書見女鬼訴其爲人所殺尸在屋樑上  
檢覈其實得其人誅之安東吏獷悍難制公命列馬  
木自門而階呼羣吏冠之以陶器使俯伏出其下旬  
月而一變義州民有三女盡嫁與中貴人公將之官  
中貴人迭請饋酒公諾之其人來謁公命以三杯訖  
捧下數其罪而殺之云其詩清健有格 上幸龍灣



見公客館一絕奇賞之取其板以歸公以萬曆丁亥正月十四日卒于益山寓舍年四十六墓在恩津東杜芝里向午之原夫人黃氏祔黃氏監役廷秀之女趙判書彥秀之外孫嘉靖乙巳生後公十四年而歿二男三女男龍甲虎甲其婿監察金吉遠都事宋榮祚都事白信民寅甲羊甲永甲玉甲尹暘側出子若婿也平市令雲駿贈判書雲驥長房出雲驥次房出雲駿男後聖出后人後遠察訪行遠尚遠雲驥男必遠文科判書雲驥男鳴遠濟遠志遠尚遠男敬始敬一敬一爲後遠后鳴遠男敬守敬大敬所濟

遠男敬維志遠男敬初敬行必遠男敬祖牧使敬一取族子文德爲后實尸公祀公生當宣廟盛際且以栗谷松江爲師友其正直之操經濟之具可以想見其略矣卒之儻徊蹇滯不克大有所爲豈非天耶余讀公義州時封事忠愛藹然其論朋黨之禍誠若灼見於百歲之前矣栗谷欲合之於將裂之初而公則欲救之於既潰之後其勢不已難乎使公不死終必與松江諸公受其禍敗無疑其或視之以後世調停之術則是不知公者也噫公之心蓋栗谷之心也銘曰



嶷嶷徐公膽大智圓矧是正直天與其全誰其師友  
栗翁大賢栗翁云喪公亦迤邐歛彼壯志于林于泉  
長白嵯峨鴨水清漣中間宦跡滅如雲烟惟有一封  
輝映簡編江河之大始自涓涓不有明見孰識未然  
我聞其幽貞石斯鐫

正郎楊公墓碣

公諱士衡字季平自號漁隱楊氏出南原始祖曰知  
郡事敬文其家于淳昌則實自烈婦李氏麗末大提  
學以時與牧隱諸賢遊是生首生直提學李氏其配  
也抱遺孤走南中以全其節仍相宅而居焉直學後

五世兵曹佐郎公俊生司僕副正洪是公兩世妣豐  
基安氏考曰主簿克誠公己卯司馬戊子文科壬辰  
之難 上西狩八路瓦解觀察使李洸擁兵坐視公  
時以直長罷官鄉居貽書責以勤 王辭義嚴正仍  
徒步赴 行在後又與邊公士貞丁公焰糾合義旅  
以殲餘寇歷官兵曹正郎都體察府從事官南平縣  
監靈光郡守歿後錄原從功 贈承政院都承旨鳴  
呼公遇亂盡節忠義激烈足以愧後世後君之徒其  
餘內行宦蹟必多可觀而惜乎家乘散佚鮮有傳者  
蓋聞公早遊玉溪盧公禎眉巖柳公希春之門李活



溪大邑南之賢士而又與之友善殆古所謂不見其  
山願見其木者而活溪哭公詩有云接人諧笑冲和  
氣許國經綸慷慨心於此而可以得其爲人矣公生  
於嘉靖丁未卒於萬曆己亥葬于南原求仙洞  
朔寧崔氏耐崔氏之考贈承旨穎男女各三人時  
晉持平時冕進士有高致時邁將仕郎博士鄭弘緒  
縣監曹應休申尚浚其壻進士汝梅汝梓汝棕長房  
出仲季男汝椽汝樟曾孫曰海舉溟舉弼舉別檢夢  
舉逸舉爾舉後舉仲舉聖舉先舉郡守五舉舜舉說  
舉高舉說舉之孫應秀以諸宗人言乞銘銘曰

龜岳之士烈婦胥宇天報善良以生衆楊宜爾賢孫  
昌大其門我闡厥美忠義之士

縣監洪公墓碣

靜菴先生有賢弟子曰洪判決事奉世奉世之孫曰  
百順字士吉甫亂而孤判決公憐而鞠之常置懷中  
公自幼有異質受孝經小學便能謂不學此無以爲  
人及長絕意舉子業服膺庭訓專精學問及判決公  
歿公追慕罔極判決公手書聖賢格言及師友往復  
簡牘散佚於兵燹公心常痛恨收拾其餘存者粘付  
一帖朝夕觀省嘗曰昔在膝下見王父好讀中庸大



學心經近思錄等書進德之實何敢窺測而惟讀書一事尚可以追繼其志曷敢不力又曰吾常夢見王考自陳已所行事之實王考有喜色祖孫一體豈無感通之理乎以至一言一行無不以判決公爲準則嗚呼若公可謂判決公肖孫矣公旣尊信判決公所讀諸書刻意覃思不少釋手多有自得之妙而猶不自信乃從宋龜峰先生難疑答問反復沉潛其於義理洞見大原而於沙溪文元先生則始與同門卒又師之先生則待以老友蓋公少文元九歲矣公常曰人樂有賢父兄君子就有道而正焉不如是何以成

德哉公天性至孝事判決公承順無違愛敬俱至判決公晚年多疾晝夜侍藥不解衣帶其喪也葬祭一遵禮制三年守廬日上墓哭拜不以風雨寒暑而或廢自以幼失所怙不及奉養爲終身之慟每遇諱辰哀疚慘怛如袒括之初其事母夫人竭力子職衣服之奉脂澆之供無所不用其極或有微恙不櫛不翔憂形於色至於入廚煎粥親自爲之不委於女奴之手夜則亦抱薪爇火母夫人歎曰爲人子者孰不欲孝於親而安有賢於吾兒者耶母夫人卒葬祭廬墓一如判決公之喪毀極幾不全未老而鬚髮盡白制



終之後輒嗚咽不自勝曰孤露餘生當死不死固極之德無以報答惟有奉祭祀致誠敬耳每秋量一年大小祀事之用如米醬油蜜實果之屬無不預具而別儲家雖貧一無缺乏祭之日手自滌器具饌坐待雞鳴以行事闔門而退肅然如聞其容聲輒汪然悲泣或閒步園林望邱墓則亦涕每晨起整衣冠謁祠堂朔望必省墓年至耆耄而不少懈人曰孝哉洪公殆古未嘗有也癸亥反正命舉學行遺逸之士特起公布衣直拜宜寧縣監吾曾王考晚悔公及慎齋金文敬公亦與斯選世稱其盛公黽勉之官豪猾斂

手百廢皆興未一年而賦歸行囊蕭然不以一芥自累民到于今頌其清白丙子避兵嶺左遠近人士來見者全集墳門寇退返舊居己卯十二月十日卒春秋八十三以庚辰二月葬于廣州孤洞坐子之原崔恭人祔公歿後幾三十年一鄉公議始發以公至行聞于朝同春宋先生筵白請加褒尙於是特贈公承政院左承旨仍旌之曰孝子之門余嘗訪沙溪舊宅偶閱故書籍得公與先生書淡以全廢讀經爲恨時公年七十五其心炯炯可識渾厚懇惻一出天真余讀而敬之傳謄一本以遺其玄孫河瑞以河瑞終



隋書先生集卷三十一  
身力學亦足爲公之肖孫也河瑞文科兵曹佐郎清  
介不俗窮餓而死他餘子孫不能盡記余夙慕公德  
懿今於樹墓之文義不敢辭略序次而系以銘銘曰  
人於祖先同一形氣各具容體鮮有肖似矧伊德性  
其尚克類是以詩云夙興夜寐無忝爾所生殆公之  
謂歟

參奉任公墓碣

自古詩人多浮薄而少氣節人或輕之然如澹菴之  
直氣後山之苦節亦不免詩人之目由是觀之則所  
謂詩人者豈可以一例論之也哉國朝詩運莫盛於

穆陵之世而有鳴臯任公者與石洲齊名固亦所謂  
詩人者而攷諸先輩叙述實是忠義節行之士今得  
其遺事讀之信然公諱鏞字寬甫鳴臯其號也少從  
牛溪成先生游先生稱以慕學善士平居篤於孝友  
家甚貧處之晏如也三除寢郎皆不就壬辰之亂  
車駕西狩公始避兵東峽與同志者慨然有執勒之  
志路塞不得通聞湖南倡義使金千鎰往兵江都往  
從之爲書記 天將謀擊京城賊公以倡義命作都  
城圖以進且獻二十韻詩 天將賜座褒賞之後倡  
義死於晉州城守公往哭於其家與幕下舊僚伐石



附錄先生集卷三十一  
記績于江都作文通諭湖南公雖在亂離顛沛之際  
眷眷師門精誠屢發於宵寐於其日錄可見公素嫉  
柳永慶鄭仁弘爲人居常大言憤罵及至昏朝見時  
事日非惟以潔身危行爲志所與游皆士林名勝而  
凡有不平無聊一發於詩淡得杜陵忠愛之意公歿  
後石洲詩禍作公家人取平日所爲篇什而悉焚之  
是以不能多傳于世昔放翁幾見染於侂冑朱夫子  
憂之至有天津胡孫之譏嗚呼若公者可謂拔出汗  
濁之中一洗詩人之羞者矣公嘗做李太白古風有蘇  
黃亂風雅之句蓋淡惡之也其婦翁尹判書自新以

公不逐時好見屈公車手書蘇黃詩以勸之公不肯  
觀其志尙如此公卒於 萬曆辛亥年五十三後以  
扈聖從勳 贈司憲府執義墓在楊州筍谷坐艮之  
原配淑人南原尹氏祔任出豐川爲東國名族考諱  
允臣觀察使祖諱楨寺正曾祖諱由遜監察公男器  
之進士壯元文科獻納三女婿說書鄭晟進士奉植  
教官黃潞孫曰昇寔弼高曾孫曰世泰世鼎進士世  
復以孝 贈持平世益世稷世龍世夔世重玄孫述  
遠皆文科選及道進士運邁達迥迪遵蘧遇遂近道  
達逢述之弟逸來乞銘銘曰



陶庵先生集卷三十一  
詩出情性有正有邪於此觀人庶不或蹉公之爲詩  
就實去華曰蘇曰黃號爲大家舉世奔趨而獨不阿  
中抱正音一掃淫哇維此節行所原匪它滕仁齊烈  
將比孰多農老有評我又何加爰作銘詩永世不磨

從事李公墓碣

萬曆壬辰倭寇大入嶺以南瓦解至尙州助防將邊  
璣遁其從事李公慶流死之時干戈道不通朝廷不  
以時聞難定又未遑褒錄公孤濟公死時生甫四歲  
旣長上書自陳始 贈某官旌之曰忠臣之門公字  
長源韓山人自稼亭牧隱暨良景公種善文烈公季

甸大司成塙仍紮世赫烏三傳至判書增娶慶州李  
氏司直夢龍女生公公慷慨有志節二十八進士仍  
取明經科用判書公勞陞六品爲成均館典籍翼年  
拜司憲府監察兵曹佐郎尋移禮曹寇報猝至百官  
烏獸竄公疾赴闕廟堂將遣將守烏嶺公仲兄慶涵  
差從事倉卒誤以公名啓下兄曰朝議屬我我必往  
公曰事急矣安敢辭難卽馳馬去無幾微見色至嶺  
見主將有逗畱意引義責之是夜將走不知處一軍  
驚散公計無所出聞李鎰軍在尙州亟往從之未及  
數十里賊兵已彌野鎰亦逸去尹公暹朴公箎以從



事皆死公灑泣告餘衆曰國事至此惟有死耳遂赴敵力戰以死卽四月二十五日也臨陣以朝衣帶及衾付一吏歸與書家人曰事機已急吾命在天只望安奉兩親善護兒子又謂家僮曰吾饑甚趣取一盂飯來比覓飯還已不知公所在乃間道歸遇判書公赴行在痛哭陳狀判書公用衾葬于廣州樂生之先塋具八谷思孟作三從事歌以哀之嗚呼公以眇然一白面釋褐纔一年軍旅非其所學而一朝有急走死地如驚彼擁疆兵受厚恩而望風逃遁者相隨屬也而獨能捨命趨義明白從容雖用不盡材

而其風聲義烈足以扶樹人紀國家養士數百年正爲今日得力公之一死又曷可少哉公歿後四十餘年精魄不泯凡有憂慶家人往往如見如聞余以同閑後生亦耳熟矣豈非朱子所謂養得氣剛大凝結不散者耶嗚呼異哉夫人橫城趙氏父曰僉知遴桐範純備蓋以公訣書爲終身用年八十八庚寅卒葬在公墓之右濟文科府使別座權僕牧使金孝誠公壻也府使二男廷夔參判廷龍郡守奉事濱郡守漳贈判書沆長房出府使澳參判澤進士浹觀察使濼次房出沆男秉常判書典文衡浹男秉泰副提學外



陶菴先生集卷三十一  
支顯者承旨金世鼎判書尹德駿公之後既蕃而又  
多賢天之報施公其在是歟觀察在海臬將樹碣走  
書幣請文余敬諾無何觀察以櫬歸其從子判官秉  
鼎書速曰不則吾叔之目不瞑矣余悲觀察之志遂  
爲之銘銘曰

天地之間氣剛烈兮不生與存死與滅兮是或融結  
山岳萃兮又爲雷霆洩壹鬱兮商水湯湯平原忽兮  
空裏投橘神恍惚兮猿吟鶴飛非我匹兮有菀梧楸  
安此室兮冠佩莘莘享祀潔兮鍾茲忠孝慶長發兮

判敦寧尹公墓碣

維靖僖尹公既卒之八十一年其後孫濟州牧使植  
具公之氏族歷官行治德義之大者求銘刻之辭於  
三州李緯曰公坡平人諱綱字美仲自號歧川其先  
自高麗功臣莘達幾世而至文肅公瓘文肅公及其  
子彥頤皆文武忠勤有功于國入國朝議政府右議  
政士昕恭襄公繼謙俱顯于時是生諱珣朔寧郡守  
贈吏曹參判生諱敦仁水原府使 贈吏曹判書其  
子忠佐衛上護軍 贈議政府左贊成諱大老夫人  
李氏左議政苻之孫以 隆慶丁卯生公公自幼能  
自知學少長明左氏春秋二十三舉進士 萬曆丙



附錄先生集卷三十一  
申登第補校書館正字遷承政院注書久居近密勤  
職不懈陞成均典籍屢遷禮刑兵三曹佐郎調良才  
道察訪未幾 召拜司憲府持平論賊臣許筠之罪  
由是出爲平壤庶尹平安黃海二道都事由戶兵二  
曹正郎補舒川郡守瑞興府使所至稱治丁父憂服  
除拜竹州牧使櫛垢爬癢號爲循吏秩滿從民願借  
一年代還連拜分司承旨兵曹參議時光海遷 母  
后于西內逆臣爾瞻等謀廢之不從者死公淡懷憤  
悒終不與廷議且曰臣以分司官方衛 西宮不敢  
獻議遂坐罷歸楊根辛酉接伴毛文龍于椹島時西

事方殷人皆求避而公坦然無所難旣而宣諭關西  
未還而 仁祖卽位用廉平拜海州牧使明年李适  
叛公以州兵赴黃州丁卯虜難從 昭顯世子下全  
州執羈勒備盡艱難自礪山府使爲掌隸院判決事  
勤於所事剖斷無滯 上嘉之丙子從 上南漢干  
戈蒼黃百司皆失其職獨公持印坐衙晏如平時移  
兵曹參知參議尋以扈從勞陞都摠府副摠管拜利  
川府使罷歸優遊田野七八年授工曹參判丙戌公  
年八十其子弟欲依例乞加恩公力止之 上聞而  
善之特拜知中樞府兼春秋館事入耆社己丑行司



馬回榜宴 孝宗元年漢城府判尹翌年陞正憲大  
夫其後因筵臣言又拜崇政大夫工曹判書時公年  
九十以老乞解不能得改判中樞府事提舉司圍署  
顯宗元年判敦寧府月致餼廩春秋賜衣資以寵之  
公上疏辭 優批不許甲辰五月十一日卒于第  
上爲之罷朝二日 贈有加官庀葬事禮官致祭  
如例用其年七月葬于積城縣長坪之原 肅宗辛  
酉賜諡靖僖夫人宗室李氏配德無違先公十五年  
卒壽亦八十初封貞夫人後 贈貞敬夫人有五男  
三女男正得命得信得志得善得僉正女辛喜循洪

宇寬僉正李晉曰 諛歌韶護彰其孫也歌之男僉知  
中樞事集成濟州之考也公爲人仁厚忠誠與物無  
忤而臨事堅確不撓歷事 累朝仕宦幾七十年位  
至公卿而自持如布衣時貧無以爲家其心尙裕如  
也厄於羣小中被擯斥逶迤於卑官小邑之間而其  
志則不屑也常時坐茅屋左右花木觴咏逍遙以自  
娛緯之先祖戶部公嘗與公及諸名卿約爲城西耆  
英會緯幼少時從里閭遊公之園而識公之第又與  
濟州善其知公之詳也則宜乃爲之銘曰

萬曆之前公則降精平陂往復垂及百齡秩視公孤



禮近老更尊而不有德莫與京無競無求物我兩平  
類古有道可謂順寧嗟余小子同開後生遊于東園  
想像典刑風流弘長俾也可忘勒于玄竈用眎茫茫

參奉金公墓碣

南原有所謂在澗堂者故處士金公澤所居仍以自  
號其義蓋取諸衛詩云鄉人尸而祝之流風遺韻猶  
至今不衰其後孫筴謁余以樹墓之文余讀其狀實  
公從子之白所爲者之白亦賢士其言愈可信公字  
道源上祖高麗平章事坵曾祖曰錫良進士有節行  
曹南冥植銘其墓祖曰光察訪考曰益福忠清都事

金氏世著籍扶安平章之後有光叙者麗亡不肯事  
二姓歸而老焉子孫爲扶安人至公從母家始遷于  
南原弘文博士安公處順己卯名賢其子琢號竹溪  
者其外翁也公生有雋才爲文無世俗氣不喜進取  
以親在強赴公車 萬曆癸卯中司馬兩試自後絕  
意世路杜門讀書其事母色養備至及喪而毀兄弟  
湛樂無間所居有溪壑之勝又雜植花竹每暇日逍  
遙翛然有出塵之趣凡世所謂聲利嗜欲無足以累  
其靈臺平居端儼自持雖遇倉卒無疾言遽色聞人  
之善若已有之見人之失矜而容之曾懷坦夷和氣



溢發而望之自然可敬蓋其爲學不區區於口耳之末反躬實踐涵養本源晚年氣象高遠人莫測其所至云公身不出戶庭而朝廷士大夫聞風交譽薦除軍資監參奉不起年七十有五卒臨終意思安閒無一言及身後事鄉里咸齋咨曰賢人亡矣人士來哭者亦莫不盡哀配全義李氏生員廷龍之女其祖正言承孝也男之純舉經行參奉女適士人李國馨之堅之鍵李必慶妻其側出也參奉男著著之男榮世榮業李國馨子文規生員文胄女婿李必明策榮世之幾代孫云公天資甚美充養有道是其中必有大

過人者今去公百有餘年雖欲想像其萬一而不可得矣余嘗讀衛詩其所謂隱者言行無可徵又其詩所謂永矢不諼者不知所樂何事然淡味其意見其碩大寬廣充然有得視天下之物無以易此公之所自樂者亦或如是耳惟善讀是詩者可以知公也歟

銘曰

有美一人兮古帶方明月佩兮芙蓉裳發浩歌兮依脩篁蛻穢濁兮樂無央山蒼蒼兮泉泱泱風流長兮不可忘我銘公公不亡

洗馬趙公墓碣



余舊聞趙洗馬平爲湖嶺間豪傑之士而生也後莫詳其爲人今得黃處士信龜所爲狀讀之衡仲字而雲壑其號蓋蚤聞寒崗鄭文穆公之風而晚就正于沙溪文元先生者也公聰睿夙成生三歲能識字八歲哭祖母過期始進酒肉文穆公守咸安郡大興儒教公以邑子方童卅秀出衆中文穆一見稱奇問之則曰故參奉趙元鰲之孫也本郡則趙之鄉貫而參奉舉經明行修云參奉之喪也旣葬而不赴舉文穆嘉歎不已郡有琴川書院學者以百數咸推公爲首壬辰寇亂作負兩老避入湖南自任實移住金堤之

九水洞以三求名其室銘曰心求正友求賢田求畊旣遊溪門退而與崔石溪命龍講學信從者衆公爲文章尤長於詩四十一始中司馬嘗對策直言觸時諱下第及昏朝廢 母議起杜門自廢尋以无妄爲人誣告被逮卽釋去之任實復移淳昌癸亥改玉文元先生承 敦召書問以出處之義公答曰古之聖賢知道之可行然後可立於其朝也是冬除公 昌陵參奉連除黃山察訪皆不起丁卯拜 世子洗馬旋遞授沙斤察訪黽勉之任悉蠲郵弊又入誣獄上素知其賢特原之居數歲又除濟原察訪公感激



贈者先生集 卷三十一  
趨謝及之官金冲菴之孫聲發爲錦山守公與之協力修七百義塚爲五壇徧祭重峰霽峰諸公及其子弟幕佐遂以爲常遷義盈庫直長病不能赴丙子之難公爲招募都有司諭以大義聞者感動乃得精銳累十人并糧餉以助義兵俄而聞南漢不守同安牛山邦俊北向痛哭而歸嘗草疏以爲我邦雖力屈而大明之恩不可忘請密遣使從海路朝于南京不及上而公已病矣年七十九丁亥卒門人爲之加麻者六十餘人公考舜歲 贈司憲府掌令妣昌寧曹氏公凡三娶高靈之李光州之金咸豐之魯皆無子取

宗人景麟爲後景麟四男有璉有珖有瑗公天姿英毅濟以學力大爲諸老先生所推重而遭時不幸備嘗險難其所以動忍增益者若將有爲於世而卒不能焉此何天也公雖身居草野其心則未能忘世也忠義奮發於言語文字之間者至今令人髮豎而氣湧惜乎其不能大究志業也抑公忠愛之性亦有本焉嘗遭親喪於亂離顛沛之際喪葬祭奠皆能自盡又於母病連刺左手五指端出血灌口母病乃已而公老年偏虛之疾實崇於茲其篤行如此公墓在任實縣西沙谷先兆有瑗使其子鎮恆來乞銘鎮



恒有珖出而後有瑗者也銘曰

聳壑雲松橫天秋鶚於此數語可以想見其氣象抑  
公有大烈烈蹈海之心老而益壯噫公忠義得於秉  
彝孝以為本學以濟之魯無君子斯焉取斯雲水之  
山埋此奇氣我聞其幽斯亦衰世之意

典籤鄭公墓碣

崇禎丁丑之難南漢圍解朝廷為虜立碑於三田江  
上詞臣李景奭撰進其文頌虜功德甚盛我 肅宗  
大王嘗臨筵論此事曰雖不得已而應 命胡乃褒  
揚至此其語全無斟酌量宋時烈譏斥之言宜哉當其

時也鄭公儁士秀為瓦署別提當燔瓦而閣之恥不  
肯為即棄官去公之子雲翰方為雲峰守公不苟就  
專城之養遵海濱而處不易其介次子雲翼以童子  
隨行商以為養士大夫高其風節公延日人圃隱先  
生之雲孫也先生固吾東方道學之祖而其倡明春  
秋之大義尤有功於世教公之所表見於世者雖是  
微事亦可謂不忝先烈矣公以大賢宗孫朝廷始廩  
之三十除 禧陵參奉轉 健元陵遷濟用監奉事  
司宰監直長長興庫敦寧府主簿由敦寧府褫為瓦  
署後累歲復敦寧判官甲申十月十九日以宗親府



典籤卒年七十二葬于先生墓西未向之原後用扈  
從勞 贈承政院左承旨公凡再娶元氏士人世弼  
女吳氏進士尙立女男雲翰及女適縣監趙沔者元  
出男雲翼後為縣監女適尹龜李命時者吳出也長  
房男元徵縣監龜徵從仕郎星徵奉事次房男文徵  
獻徵元徵男纘光都事纘輝翊贊能世其學龜徵男  
纘憲參奉纘祖纘昌纘成纘章星徵男纘一纘彬纘  
馨纘淵纘明文徵男纘冑纘邕都事二子鎬錫皆縣  
監銘曰  
位微祿而身大義兮凜乎其蹈海之風惟歸骨於山

足兮庶無愧於圃翁

郡守柳公墓碣

余自少從柳承旨泰明道輝游心服其孝友之行今  
讀其高祖郡守公家狀有云怡愉奉親湛樂同爨余  
於是知世德之有自也公諱允昌字伯勗柳氏之居  
全州自其祖濕始仍著籍焉曾祖諱堪議政府舍人  
乙巳士流祖諱永立考諱穡皆文科觀察使外祖正  
郎俞必仁公晚中司馬筮仕歷官次第不可詳而司  
饗院直長掌隸院司評刑曹佐郎司憲府監察外則  
開寧盈德兩縣及麻田郡也公為人質慤居官不苟



降菴先生集卷三十一  
凡貴勢之居已右者輒以直道相與不少屈下雖以是屢遭跋扈而亦無悔也所莅皆有惠政去後輒見思訓子弟必以義方御家衆先正名分閨門之內肅若朝廷而及其接人也和氣藹然平居淨埽一室淡然無累惟以琴書自娛號琴隱云 崇禎丁亥六月二十七日卒壽六十五以再參從勳 贈承政院左承旨葬於交河黔山坐癸之原配昌寧曹氏參判倬之女先公十二年歿至是祔男炫蔭補郡守側出男女曰爨主簿李之澄及第廉應徵張弼周妻也炫三男世憲 贈參議世顏世閔參議六男長曰宸都事

承旨其子承旨之弟復明亦文科參判承旨歿後參判以書來乞銘銘曰

維昔循良悃悞無華觀公始終其庶幾耶惟此孝友克世其家我溯厥源庸作銘歌

縣監朴公墓碣

密陽之朴爲東方名族有訥齋諱增榮 成宗朝校理是生承旨諱薰世稱江叟先生己卯禍與靜菴諸賢同竄公其玄孫諱廷龍字子雲四十始仕歷司憲府監察軍資判官出監山陰安陰二縣有政績時二尊人無恙克盡志物之養及歿不復進取歸老於鄉



公性渾厚見人善若已有之人服其德 顯宗癸丑  
十二月二十一日卒壽七十五葬於清州木瓜洞去  
其廬幾里公嘗哀集訥江二公遺文行于世尤菴先  
生序之稱引甚盛禮曰先祖有善而不知不明也知  
而不傳不仁也嗚呼公於是乎免夫考諱安建社稷  
署令祖諱承賢縣監外祖宋縣令應先於尤菴為叔  
祖配清風金氏振伯之女與公耐男女皆四人世輝  
世美世長世憲壻曰申湘黃有孫崔堦朴慶後守成  
守素守皞守約守文守初守裕守謙守讓守誨其孫  
而曾孫不能盡記銘曰

二賢有後尤老之言公其不朽

直講朴公墓碣

國初移豪右實邊士族往往流落仍長其子孫而北  
方最荒絕習俗質質人多鄙夷之近世朴公興宗能  
奮發自立以學行為一方倡自是儒教稍振余少以  
評事過鏡問之故老蓋如是云公字顯叔咸陽人其  
遷于北者七世祖素祖謙父夢弼訓導公生時母馬  
氏夢龍含珠入室自幼聰穎絕倫書過目成誦筆翰  
尤神速屢冠發解 仁祖庚午進士壬午擢明經第  
隸國子序陞典籍出為輪城道察訪寬仁得吏卒心



陶菴先生集卷三十一  
爲咸興府教授善誘掖後進後再除典籍教授皆辭  
除直講又不就時有親在堂亦不以祿養爲意惟日  
怡愉其側地主愍其窮急捐賑餘周之不受其介潔  
如此公少學詩於李東岳安訥大被賞許旣而悔曰  
詩人多輕薄非所以養德器也酷好性理諸書手抄  
口誦未或小閒沉潛玩繹幾忘寢食所居漁郎里有  
湖海之趣而以華谷靜寂可喜築室其間村秀子弟  
多從之者讀書之暇或徜徉山巔水涯樂而不知其  
老也公 萬曆庚子生 肅宗丁卯卒壽八十八葬  
于飛鴻湖之側室陽川許氏耐男文熙文粹側出文

精文科正字女爲李暉吉池天與李週妻文熙男濟  
文粹男淦混淨文精男洙激澹廷頎廷獻濟出廷最  
淨出而爲混後廷楫廷霖及廷楹廷櫓廷相激澹出  
也公行誼甚至親喪廬墓凡六年以伯母有鞠育恩  
又爲之心喪睦於親族信於朋友於鄉黨以謙卑遜  
順爲事平居無惰容無遽色日籍記言行以自攷其  
得失而於心術隱處尤痛省焉其教子弟學以勿緩  
勿急爲要而所戒者文辭之害道也科業之奪志也  
又曰形氣之慾無小大雖一飲一食苟爲饑口所動  
此便即饗富貴厭貧賤之根苗嗚呼此名言也公起



隱德先生集卷三十一  
身遐荒卓然有守至老而猶好學歿後幾六十年鄉人愛慕不衰豈非古所謂豪傑之士耶濟之孫遠枝嘗從余遊遠來請銘銘曰

華谷逶迤湖水洋洋有美一人蕙佩荷裳左詩右書其樂無央德音孔嘉俾也可忘我銘斯石以風北方

參奉孔公墓碣

孔子之後五十四世有曰紹者仕於元因事東來封昌原伯子孫仍著籍爲昌原人其子俯號漁村與圃隱牧隱諸賢相友善入本朝屢徵不起七傳而至大司憲瑞麟己卯名賢公其玄孫也考道傳祖眉壽皆

隱德不仕曾祖諡司憲府監察外祖驪興閔師聖公諱德一字應三氣宇沉淡自幼已有成人器量八歲能詩賦未冠赴東堂試意謂功名可立就旣而屢舉不利遂不屑也嘗曰吾祖大憲公之學實出寒暄金先生先生之教實從小學立脚志於學者盍以是爲準自是專意爲己日夕孜孜以至濂洛關閩諸書靡不研究雖醫藥卜筮筭數兵流亦皆旁通以爲己分內事或傳癸亥反正時諸公以公有文武材勸仁祖再顧公於東湖而不可得以詳也賊臣金自點方鼎貴之日新占江亭與公居相近慕公名屢見訪公



以見惡人避咎之義往謝之因微事見其有無君之心遂絕不復見丙子除繕工監參奉不就是冬奉二親避兵于嶺南時當搶攘猶躬自負米以奉養俟亂定過驪江誅茅以居父病革斷三指和血進藥得復甦人謂孝感及喪哀毀踰制喪葬悉從文公家禮三妹早寡公皆率養於家誠心撫恤而定省之時諸妹在側則夜入必秉燭又未嘗同席而坐雖亂離奔迸之日亦必異其土室而處焉其嚴於男女之別如此每春秋薦獻於大憲公之墓仍會親族以叙敦睦之義公天資倜儻志氣慷慨常讀書至家國興亡之際

忠臣烈士之事未嘗不掩卷三歎當南漢下城之日公在嶺外聞而却食泣數行下曰吾生不辰乃見此世界間作歌詞以洩其憤蹈海之志下泉之悲讀之凜然可以想見其人矣公自是屏居龍仁墓下以酒隱自號戊戌七月二十日卒去其生壬寅壽五十七葬于同縣支石北麓坐亥之原室全義李氏耐焉後肅廟丙戌因多士呈文 命贈戶曹參判以孝也一男元鳳一女適朴昌周九鳳乙鳳側出也元鳳三男迺興迺文迺章迺興子曰重魯迺章繼子承魯公有詩文若干卷藏于家就仁來乞銘即尸公祀者銘曰



隆慶先生集卷三十一  
文武之材生若不偶壯心獲落居然皓首天地翻覆  
世運陽九有海莫蹈迺隱于酒悲歌激昂老年意氣  
孝烈載揚哀贈有煒一善成名豈公素期歿可祭社  
鄉議非私我銘不朽徵信在茲

縣監姜公墓碣

蓋自丙子以後天地閉塞冠履倒置有志之士披血  
含痛直欲高飛遠走不在世間時則有若姜公恰沈  
公長世洪公宇定鄭公濂洪公錫相攜而隱於太白  
之春陽洞士大夫高其風節其後數公者或出或處  
或仕而止是不可以一槩論祇當觀其時如何爾姜

公字正吾晉州人有高句麗元帥以式禦隋煬東征  
之師者爲其鼻祖國朝通亭兄弟最顯而大提學淮  
仲之後三世參判徵用文翰趾美是爲公高祖曾祖  
億正言祖德瑞應教考胤祖禁府都事公少從象村  
申相國欽學庚午司馬遊太學士論推重乙亥粟牛  
二先生從享之請公實主疏事無何遇亂南遷公性  
至孝雖干戈搶攘之際僑寓間關而甘旨未嘗乏絕  
每夕手自爨薪以適其溫涼父疾嘗糞禱天及居憂  
菜醬不入口者三年始除 齊陵參奉不就丁酉又  
拜翊衛司洗馬黽勉趨 命序陞侍直副率一日心



陶菴先生集卷三十一  
動遽歸居數日繼母尹夫人卒論者謂方之古黔婁  
尤奇蓋公平日善事尹夫人夫人有一已出異室而  
居夫人時往來而未嘗畱宿恐傷公孝心也及其子  
死夫人不欲貽公之憂惟望其廬悲泣而已畜其遺  
孤居常戒之曰願汝百行如汝伯父其心悅如此夫  
人之喪公年近六旬而柴毀幾不全父墓在交河累  
百里外辛勤奉櫬而耐焉乃曰今後吾死而可瞑矣  
南相九萬以御史舉公實行除省峴察訪公以其先  
人舊踐又勉赴焉郵人有罪公輒自刻責間施笞箠  
而哀矜則至郵人相救不忍欺時大疫牛盡死公捐

俸買牛於嶺東量驛戶大小而班之民不廢農歲大  
熟牛亦蕃息郵人號曰姜侯牛道臣褒聞陞拜山陰  
縣監攀轅號泣者數千人公去後或有疾苦必伏於  
公碑前而懇焉縣在湖嶺間氓俗不古公爲治剛明  
吏戢民懷又慎於獄訟無敢以非理干豪右往往有  
感德而革心者秩滿始歸行橐蕭然惟藥裹書篋而  
已年七十辛亥五月一日卒于法川之溪舍歸葬交  
河先壠公爲人貞白拔出流俗樂善好義意氣慷慨  
親族同爨者數十人至于四世而庭無間言友有遇  
賊死而妻孥貧困者公哀之取其女使季子妻之其



餘可書者不一而公之至行實無愧於古所謂孝子則細者可略也公嘗在翊衛司同春宋文正先生爲贊善晤語從容甚敬服之且歎其衣冠有山野氣云嗚呼昔我寧陵在宥慨然以復雪爲己任山林諸賢咸造在庭謀猷密勿治化休明故如公肥遯絕俗之士亦不能固守初志使非然者豈肯爲區區郵縣之責而遽出者哉然觀公晚年以潛隱自號蓋欲尙友彭澤而無亦有悔往追來之意否恨不及見公奉質也公配青松沈氏監役僇之女相國之源其兄也三男鄱鄱長房男再烈再發皆僉知中樞再弼宣

教郎再亮再昌再望再光二房三房出曾玄以下不盡記也再弼之子元一能業其家使姪子洪乞銘銘曰

有美一人太白之巔高歌激烈天地腥羶積陰微陽洞壑清娟衣佩光華望若神仙然其遐遜非欲潔身周老來歸越膽方懸于時草野自無遺賢小官非卑大義敢捐畱犢之惠歌咏百年猿鶴相招林澗依然樂天觀化終焉法川晚節淵明本心魯連後欲知公視此幽鑄

正郎柳公墓碣



公諱炫字汝晦系出全州實高麗大丞車達之後粵  
若大司諫軒舍人堪皆羅士禍竄謫有諱永立諱穡  
兩世屢典藩牧亞卿公之考郡守允昌穡之子也配  
昌寧曹氏參判倬之女公以萬曆癸卯生生而氣  
度軒昂人皆期以遠大壬午中生員第二名越三年  
授四山監役官歷世子翊衛司衛率工曹正郎出  
爲咸興判官清道泰安陝川郡守所至蔚有聲績或  
立碑思之公長於文辭而卒不第於世翫髡寡合仕  
又不遂甲辰十月二十一日卒明年葬于交河黔山  
先墓之側余旣爲郡守公銘其墓矣孝友之行蓋其

世傳而公則又善居喪廬墓三年云庶母性無良而  
能不失其歡心資給衣食屬厭而後已終乃感服其  
子好勇鬪狠公至誠教戒而不能得卒犯死罪而得  
不死亦公庇覆之力也公平居謹慎少口過性簡不  
喜與人徵逐而於朋友多有忠告之益無何堂洪公  
柱元鄭相國致和鄭進善養最友善諸公每相語曰  
柳某雖親可得而狎耶其見敬如此淑人南陽洪氏  
考曰牧使邁祖曰參判仁恕生於富豪而不喜芬華  
僕御罕見其啓齒年五十七先公歿及公葬而耐焉  
男世憲 贈參判世顏世閔女適副正權世經側出



陽春先生集卷三十一  
曰世程長房六男成都事宣完寅寬寂三女婿士人  
辛哲李綱正言李徵奎都事男泰明承旨益明震明  
恒明參奉復明參判鼎明參奉完爲世顏後參奉完  
之子謙明修撰世閔男容女金相逸寅之婿領議政  
李宜顯權婿二男牧使相夏僉正相殷銘曰  
爲善之報遲速各有不贏于躬以貽厥後我爲公銘  
用勸永久

參奉朴公墓碣

公諱惟棟字時甫舊居黃澗縣安定村晚卜物閒山  
下玉溪之上後又卜石橋之活溪自號一石酷似曰

重峰先生師曰沙溪文元先生友曰尤菴同春二宋  
先生公少時躬自漁獵入廚具需夜以讀書蓋聞重  
峰之風者家甚貧處之迥然酷嗜書嘗曰朱子大全  
地負海涵義理淵藪可爲終身究竟法也此又尤菴  
法門也公事父母有淡愛在側不大聲色惟意是順  
有一弟三妹友愛甚喪祭皆如禮 國忌亦齋居不  
肉鄉里多化之者壬辰舉進士用學行薦除 穆陵  
慶基殿社稷署參奉或拜 命數月而歸或不拜  
命尤菴嘗柎棘長鬢和公詩云惟憐安定村居士鯤  
臥滄溟未脫髻及其宥還公相迎於松溪書院同諸



陶菴先生集卷三十一  
生行相揖當尹拯之背師也公甄義嚴責拯外若悔  
懊而卒不能改公端居靜坐日與村秀子弟講討以  
爲樂年踰大耄精力尚旺上下崗巒步履如飛興至  
題詩筆力豪健尤翁貽書曰老兄可謂烟火仙也戊  
辰四月二十四日卒壽八十五臨逝召子孫男女諭  
曰汝曹其兄弟和夫婦敬宗族睦此皆公一生行于  
身而化於家者也公又手書杜甫偃與先生成永訣  
九重泉路盡交期一句使送於尤菴其終始眷眷於  
友道者如此朴出忠州始祖高麗副正英國朝江陵  
府使孝誠以清白著曾祖諱成健副尉祖諱以麟考

諱事三以孝行 贈司饗院參奉妣白川趙氏 贈  
判書應趾之女莊嚴有禮通孝經小學重峰先生曰  
吾妹女士也從祖應勳號梧村以孝行名公歿與梧  
村躋享于松溪書院從鄉議也公墓在金山挂榜嶺  
下西坐之原配和順崔氏先公卒至是耐男含章獻  
章天章女李文龜柳時澤參奉郭檢余夙慕公行義  
公之曾孫慶運來乞銘不敢辭銘曰  
有美一人考槃在澗邱壑生涯詩書芻豢天餉厥福  
壽而康健我銘不爽淵源之遠



陶菴先生集卷三十二目錄

墓碣

司禦遜愚洪公錫墓碣

寺正崔公孝騫墓碣

都正黃公世耆墓碣

持平吳公翹墓碣

牧使李公恢墓碣

持平盧公亨夏墓碣

同知黃公世植墓碣

察訪許公煇墓碣





判書洪公萬容墓碣

佐郎柳公御墓碣

僉知柳公粵墓碣

縣令韓公伯箕墓碣

縣監宋公元錫墓碣

佐郎崔公弘甸墓碣

護軍李公東亨墓碣

參奉鄭公星微墓碣

主簿敬菴李公行泰墓碣

陶菴先生集卷三十二

墓碣二

司禦遜愚洪公墓碣

公諱錫字公叙號遜愚少師事清陰金文正先生丁丑之難先生自南漢痛哭歸福州公亦慨然有蹈海之志會丁父憂及吉即棄科業抱經入溪山遂卜地於太白之春陽洞與姜怡鄭養洪宇定沈長世諸公為友士大夫高其風節擬之四皓杜門讀書若將終身已亥金公壽恒白 上曰臣祖尙憲嘗言洪某隱居求志非尋常士尤菴先生時秉銓請待以不次初





陶菴先生集卷三十二  
擬水部郎旋除宗簿寺主簿人間其去就則曰吾世  
臣 聖上又將大有爲死於巖穴吾不願也亟起趨  
命無何 孝廟賓天公投疏徑歸後一爲郵官復由  
宗簿除龍潭縣令又爲翊衛司翊贊司禦皆應 命  
人或疑之公曰不卑小官吾志也其在龍潭治績卓  
殊首訪孝烈而旌別之禁僧尼養耆老事有不得不  
勞民者招集一境曉以道理雖勞而無怨每衙罷必  
自省日內所爲事或有私勝於公者寢食爲之不安  
峽俗貿貿取其地名建顏程朱諸葛武侯祠使生徒  
居而肄業尤菴命公所構小亭曰太古蓋美其政也

以司禦上疏陳 春宮進學之要旋棄歸惟於 寧  
陵遷奉 顯廟禮陟時一詣 陵闕以自伸其誠而  
已公退處邱壑不忘向國自聞尤菴南竄憂念世道  
至於出涕庚申時運復亨舊人彙征而公則不能知  
矣公以是年正月二十一日卒臨命有可笑侯師聖  
何須問意思之句又令人書還收會極萬理方全八  
字壽七十七葬于安東味谷山癸坐之原公南陽人  
高麗將軍先幸之後副提學洞燕山朝被泉壤禍是  
生彥弼生暹仍父子爲上相生監正耆英生郡守敬  
紹是爲公考配清州韓氏都事浣之女駙馬景祿其



陶庵先生集卷三十一  
祖而外祖林塘鄭相國惟吉也郡守公嘗爲公議親  
臨昏其家坐賊公堅不肯娶郡守公始難於違約而  
亦不能強淑人杞溪俞氏考監正尚曾先公二歲歿  
壽與公同葬與公附五男二女聖迪聖休聖希聖範  
聖傳壻曰士人尹瑋尹濟卿翊相宅相長房出司禦  
可相生員允相及殷相履相道相二房四房出五房  
男是相參奉一相禹相濟相一相爲三房後曾玄以  
下不能盡載公爲人俊邁氣和而色嚴未嘗強與人  
唯諾家法斬斬出入夫婦相拜子弟晨昏必拜遇喪  
餘則絕過從廢宴遊以終其月其以長房尸祀也老

而常躬行別儲祭需春榆簸蹂必令子弟齊沐而監  
之以至魚鱗果殼不敢褻棄於地又令婢僕衣澣銜  
枚以供其事所畜雞犬不食其肉或見草木爲藤蘿  
所纒則必手解之而後已其德性如此尤嚴於飭躬  
嘗爲三省之目曰制心有不正歟接物有未誠歟處  
事有非理歟草營說累千言經邦說三綱十八目甲  
寅後又疏七條不果上自少手不釋卷晚喜雅頌殆  
忘肉味尤菴常歎曰老而好學可愛也公博究羣書  
所著述亦多惟喪祭要錄行于世禮記類會則實取  
證於文正先生者也噫文正先生出處大節昭乎若



陶者先生集卷三十二  
日星公之長往固與之同志中間或仕或止是必有  
時義而蓋亦不失其遂初之義矣顧公抱負甚大不  
比拘儒曲士之滯於一隅若將有爲於世而進而所  
自試者惟一小縣而已其於時命何然檢身砥行以  
全其天得亦可謂不負所學矣曾孫生員熙績來乞  
銘銘曰  
太白之山高巖峻誰其隱者遜愚公擊節高歌何所  
思蹈海之士茹芝翁畢竟出處何必同乃心未忍忘  
君民七十七歲坐讀書林巒無恙猿鶴親我將大筆  
書其墓石室先生之門人

寺正崔公墓碣

何山崔公諱孝騫字聖許何山其號也崔氏之先有  
曰永奎佐麗朝有功封隋城伯隋城水原之號遂爲  
水原人代襲簪組近世稍不振部將義判官慶元以  
武進考諱尚高以行義褒 贈司饗院參奉妣漢陽  
趙氏公生六七歲能屬文出語驚人就鄭壺亭斗源  
學鄭公稱爲神童及長博涉經史汎濫百家尤好讀  
莊馬韓子文窮日夜不厭慨然爲古文章不欲觀宋  
以下文出以戰藝累居上游甲申擢別試乙科隸成  
均館轉議政府司錄間攝堂后入侍筆翰如飛 上



目屬之遷典籍爲司憲府監察大君宮奴有衣錦者  
禁吏莫敢何問公奮然曰吾職雖卑豈畏貴家發吏  
捕之大君不敢拒臺風肅然由禮曹郎出爲江原都  
事自後累典外邑茂長結城永平載寧端川安山永  
川富平而端川則以親老不赴內則秋曹郎直講司  
藝禮賓寺正公性骯髒不肯與俗俯仰其治郡廉白  
剛明務鋤強梗又不阿上官權貴或有干囑者守正  
不撓往往至於投紱以是不能久居職然去後民輒  
立碑追思公治績旣著朝廷將授以大州公不願曰  
吾欲得小邑以優養耳遂得永平則暇日嘯詠山水

間以自娛其在安山因星變應 旨進萬言疏以中  
庸三達德爲出治之本且條時瘼可矯革者 優批  
嘉獎下廟堂格不行永川邑大有痼弊公至則大關  
公門令一郡咸造有冤卽告聞卽伸理又以鋸筒鈎  
奸居三月大治以不能將母辭歸民遮道請畱又赴  
愬于道臣不能得除安城守未及赴丁母憂哀毀踰  
制服闋仍居墓側不入城市朝廷記公廉清之節而  
惜其久處散甲寅除左通禮遂爲開城經歷是時時  
事一變羣賢悉擯斥公憂惋不已適嶺人自海幕爲  
臺職過府公不出見被構罷丁巳公見奸壬濁亂益



陶者先生集卷三十一  
甚草一疏至引昏朝事痛詆其貪淫狀遇遯不果上  
年七十三卒于楊州何山精舍葬山北丑坐原娶丹  
陽禹氏通政弘基女名儒倬之後壽九十賜爵淑夫  
人仍 贈公承政院左承旨後公十三年癸酉卒祔  
葬公墓一男勣有文行累舉不第授 英陵參奉早  
卒三女士人具徵監察金燦生員朴弘祐勣二男長  
叔雲生員次叔雨叔雲四男二女致堂進士致重掌  
令致屋生員致圭士人趙縉洪重人其壻也叔雨亦  
四男致城進士致均致望致壤一女士人趙愍致堂  
無子以致重男日觀爲後致屋以致圭子日晉爲後

致圭四男長日復次日晉餘幼公氣宇峻偉性嗜書  
行必帶經爲文如水湧山出鄭東溟斗卿常推重曰  
崔某之文於孟子得力最多云間與許滄海格洪北  
汀處亮南壺谷龍翼詩筒往來諸公咸歛衽稱服凡  
歷七邑冰蘖自勵罷官之夕家無甌石從宦四十年  
低徊下僚士大夫莫不歎嗟而公則迨然晚年退處  
田里與兩季同居友愛篤至最季家最貧且有兩子  
女公憫其婚嫁失時輒親自經紀焉教子弟有法雖  
勸課詞章而本之以孝弟忠信之行鄉塾之間誦聲  
洋洋常杜門却掃左右圖書興至吟哦古詩氣調清



壯凡有感憤無聊輒於詩發之所著詩文合千有餘篇三淵金公昌翁刪定爲遺稿若干編行于世公忠愛懇欵其爲詩長於抒情嘗於 孝廟諱辰作詩志感論者以爲藹然有老杜遺意云日復從余游以掌令公命請爲銘銘曰  
窮通夷病一委之命感憤憂悲一發之詩忠孝廉潔乃其大節斯其爲君子孰謂之文士

都正黃公墓碣

肅宗辛未黃公世考年八十政典四品以上當加階公曰吾老不能陳力敢虛 國恩後四歲吏曹言常

典不可廢遂授公通政大夫敦寧府都正又四歲卒公字廷老少攻博士業有聲與游皆勝流乙酉司馬嘗對策入高第見黜公曰命也自是不赴舉筮仕寢郎陞一級以微事罷叙拜義禁府都事司導直長遷司僕主簿由戶曹佐郎爲加平郡守五年遞除工曹佐郎公素著才能度支又辟爲郎凡三入歷沔川槐山兩郡內則司宰僉正社稷令廣興倉守繕工副正軍資濟用監正公恬靜自守爲邑律身奉公御史屢褒聞守槐時尤菴先生在華陽山裏公一馬來往先生以吏隱稱之老年爲城西耆社會暇日招邀觥籌



附錄先生集卷三十一  
交錯吾從祖都正公亦與焉至今傳爲勝事公卒後  
二十九年用孫龜河推恩贈吏曹參判黃氏出昌  
原上祖麗侍中忠俊曾祖諱瑋以奉教出補平安評  
事卒官祖諱立中郡守考諱洞贈左承旨妣清州  
韓氏其考僉正應文公早失怙奉韓夫人盡孝家貧  
甘旨無闕夜則躬親燃薪以適寒煖及喪廬墓致哀  
事伯氏如父待宗黨以慈與朋友以信公娶咸陽朴  
氏倉守知讓之女有四女長李震英次參判沈杵次  
俞瓚次牧使朴重圭繼子曰鏗鏗四男秦河府使龜  
河文科戶曹判書遠河縣令星河縣監李仁基元基

重基東基府使沈壽俊進士朴敦義婿出俞婿繼子  
守一生員曰櫻格曰桺楹楡曰櫟曰櫓曾孫也墓在  
廣州險川異向之原秦河以判敦寧公欽狀來請文  
緯同閏後生夙慕公耆德不敢辭銘曰  
往聖有言恭則必壽公有厥善天餉之厚而善有大  
維孝與友在邦而推有碑民口洛社婆娑韶顏皓首  
亦有友朋樂此春酒聖世優老常憲則有公乃遼  
巡乃驗厥守維歲在卯日昊歌缶苑彼松楸廣陵之  
阜四時來祀朱輪紫綬豈必自生猶子我後猶子狀  
德亦既耆舊我最其文昭晰永久



持平吳公墓碣

蓋當 寧陵初服人材為盛大率淬礪名節以清議相尚若持平吳公翮其傑然者也士流方倚以為重不幸蚤卒同春先生有詩哀之公字逸少海州人其先出高麗軍器監仁裕考諱士謙宗親府典簿妣全州李氏庶尹時中之女祖諱定邦兵馬節度使是光海廢 母時獻議用烝烝乂不格姦一句者曾祖諱壽億虞候至公兄弟以文學大鳴天坡公常呼為卯君以公生於乙卯也公癸酉司馬除 獻陵參奉不就丙戌庭試壯元成均館典籍兵禮二曹郎司諫院

正言司憲府持平侍講院司書知製 教 仁祖實錄都廳郎被弘文錄公立朝風彩可觀時自點當國貪縱不法勢焰熏天其倡為削黜之論實自公始同春繼以請竄仍并劾勳宰狎客憲長有崖異其論者公右同春而斥憲長清陰金文正公嘗為柳碩所螫碩以江原監司 國哀食肉公座公悉舉其罪削其仕版大司憲趙公錫胤正言李公慶億言事大觸威怒公疏救之溪陳 聖心忿憶之失 上雖遞公職而被譴者稍解又應 旨上八條言益剴切 上亦知其忠謹以朝夕論思待公而公已病矣公得年



陽春先生集卷三十二  
三十九卒之日十月二十一也葬于陽城天德山先  
塋辛坐之原配原州元氏其考大君師傅振海慈順  
莊淑甚得婦道生與公同年丙辰卒葬而同岡三男  
斗光通德郎斗龍進士佐郎斗雄通德郎女適監役  
慎元萬生員冕周鳳周長房出次房男昌周三房男  
宗周冕周以鳳周子珽爲嗣昌周宗周皆四男曰瓊  
瑛璵曰瑋瓊瑾璿公清修潔靜樂善好義出於天  
性平居無疾言遽色而當事果確於聲色貨利泊如  
也母病嘗糞及喪葬祭以禮喪餘則旬日致齋有終  
身之哀奉邱嫂如母待人忠實辭氣藹如觀者自然

感服少從張谿谷學谿谷稱以文章手出遊場屋輒  
屈曹偶詞賦尤膾炙一時公不以自多嘗作堂扁以  
百千篤志爲學手不釋卷於周易近思錄用力最深  
且邃於史學性不喜仕宦通籍八年家食半之暇日  
匹馬遊楓嶽而歸風致蕭然綽翁陽谷公嘗曰吾  
季父拔流俗千丈可以想見其爲人矣綽又嘗讀公  
少時所爲斥和三臣傳及擬平遼奏辭旨慷慨幾於  
涕下使公充其志操所成就豈可量哉如今人物眇  
然義理晦蝕士大夫間不復聞此等言論矣雖欲起  
公於九原而安可得也噫冕周請銘銘曰



降者先生集卷三十一  
玉雪之清弦矢之直我不見公其心可得於戲寧  
王立我民極茅拔距脫公與有力冽彼井泉可汲可  
食胡不永年並受其福三復匪風增我心惻我銘玄  
石其名不泐

牧使李公墓碣

延平李忠定公以靖社元勳有忠孝大節其子孫敦  
行檢重信義大率多氣尚宏偉類非世俗齷齪庸下  
者流尚州牧使諱恢大而在諸孫中最英達夙成其  
考延城公守瑞山郡咸陵李公濟同盟知己亦宰洪  
陽分憂隣境事多咨議若書牘之難煩者必命公而

往公時年六歲致命於長者儼若成人咸陵每字延  
城而稱之曰某有兒如此此家國之福也九歲從母  
夫人之外家母將卜日壽其王母而忽聞延城病報  
遽歸公請曰兒雖幼少猶足以代孀伸情夫人許之  
乃大供具獻酌如禮一家驚服甫成童從懷恩君德  
仁受業所與遊皆一時名流丁丑以後無意當世仍  
廢舉業乙酉以門功入仕由金井察訪遷司僕寺主  
簿出爲金溝縣令旋遞歷忠勳都事平市令丁內艱  
服闋除翊衛司翊贊以疾辭授禮山縣監延城公眷  
係國恩辭退不得臨命命公曰吾死後返疑於湖



陽春先生集卷三十二  
庄仍過三年則庶副吾歸休之願也公如其言自後  
遞官輒歸湖庄實遵遺志也先是延城主管惠廳二  
十餘年多所區畫沂川洪相國命夏踵其後一遵約  
束公既免喪即辟爲郎公黽勉就職未久出拜天安  
郡守後又拜公山判官白川郡守公自以世臣休戚  
與同所至殫心奉職蔚有成效公物雖尺布之微不  
作私用其冰蘖自勵如此甲寅羣壬得志士類竄逐  
公慨然益無從仕之意屢除太僕繕工僉正皆不就  
爲延城延謚赴韓山郡屬歲大侵善調賑及決歸邑  
民數千至上章願畱而不能得庚申拜豐德府使引

病免尋參討逆會盟宴陞通政壬戌拜尚州牧使公  
辭以年老無意應 命國法守令移職者除朝辭赴  
任在家則無此例而相臣銓長爲敦勉公請破格許  
之仍令嶺湖道臣問其離家與到官日子以聞公感  
激異 恩不敢辭經歲而歸論者謂公治蹟近古所  
罕年七十三辛未五月四日終于湖庄之水鏡堂是  
年八月葬于保寧孝峙延城公墓傍麓甲坐之原夫  
人安東金氏參判光炫女文忠公尙容之孫孝順勤  
儉治家有法庚申生後公十八年卒葬于公墓左同  
崗異兆公無子女朝家特 命公叔氏同敦寧恆子



降者先生集卷三十二  
彥著爲後文科持平三男長滋敦寧府都正次濟有志行蚤死次涪縣監出爲人後二女適進士金錫禹郡守趙哲命滋四男曰命億命奭命祿命焯命岳婿婿奉事沈鏞濟五男曰命億命奭命祿命焯命岳婿縣監閔樂洙涓三男命德生員壯元教官命福命迪婿鄭晚祥俞彥鏞金婿繼子道健奉事趙婿子載遇奉事載選進士載述載道公聰明絕人上自經史旁及理數如星緯堪輿軍旅刑法醫藥卜筮之類無不通解平居默若無所能者遇會心人說話其論人物賢愚古今治亂得失沛然無所礙滯其需世之具如

此而內行又篤其事親生而務養其志祭而不違於禮於邱墓事尤盡其力待守者有恩以至近處氓隸之賤遇之加敬淡得朱子遺意公家有嫡長俸祿畿庄歲入且優洛中諸弟妹每窘乏不稟而取用殆盡奴有來告者則呵之曰吾弟輩用之何間爲至於鞍馬服用無有彼我姪子之幼穉者亦多率養無間已子痛禁婦女多言門內雍和少時親友或官位高顯則終身不到其門於窮交氣味相合則情愛至死不變存恤孤寡有過於平日平生重義輕財爲人周急濟困如不及士大夫落南者倚公爲重婦黨從而移



陶庵先生集卷三十一  
居者多至八九家公雅好琴興至作數弄晚年兄弟  
俱解官退休家置絲管曰吾非樂此但爲鴿原暮境  
之娛耳或令琴婢笛奴採薪汲水無異凡僕其不專  
以此爲樂可知也如公氣宇之卓犖識慮之周通雖  
使不生於勳閥之家足稱識務之豪俊况公先執諸  
名公舉以國器許之而公乃淡存盈滿之戒固守韜  
晦之志逡巡末宦自處常調使抱負之大不得展布  
其萬一嗚呼惜哉命顛來乞銘銘曰

高山鉅谷龍虎變化我想延平魁傑人也直下諸孫  
無齷齪者公惟最秀器度倜儻六歲傳命先執撫掌

曰此可做宜將宜相胡然下僚屈此雄圖數邑碑口  
治蹟卓殊論其抱負曷云展布天道忌盈君子時晦  
思休遺志爰有弊廬湖海豪氣老年不除婆娑邱壑  
我麓我墳旻日歌缶儵然返真我訪舊宅永懷其人  
作銘闡美以詔千春

持平盧公墓碣

玉溪盧先生爲明宣間名臣其曾孫曰亨夏字  
長卿兄弟六人序居其五公七歲而孤能執喪如成  
人人謂玉溪復生玉溪舊居嶺之咸陽公母崔夫人  
遷而之南原南原夫人本鄉也未能齋諱尙重於夫



陪都先生集卷三十二  
人爲考而其子弟又多賢以故夫人挈諸孤而依歸焉公性敏而且勤於書無所不通又能工詩九歲作旅懷詩膾炙人口又數歲有萬古吟百餘句宿儒亦歎其不可及乙酉進士戊子文科權知承文院正字公始遊泮宮所與交皆一時名勝有八美之稱及登朝聲聞益藹鬱然嶺人以公異已齟齬者衆見枳史薦久之始遷侍講院說書移承政院注書上疏陳母病乞歸省 上許之仍賜藥物壬辰還槐院序陞至博士遷兵曹佐郎與修 仁廟實錄癸巳拜司憲府持平完南李公厚源爲僚臺所誣詆公引避以明其

實狀忤 上旨譴罷仍下鄉尋叙拜司諫院正言病不能赴 召以甲午十一月二十一日卒年僅三十五訃聞 上下教曰盧亨夏爲人于甚嘉愛今聞其死不勝慟惜嗚呼公特藐然一新進而受知於 聖主者如此夫豈無所以也哉蓋公天姿粹美風儀秀朗無一點塵俗氣孝友著于家忠信孚于鄉且其才猷敏達雖不相好者亦稱爲國器云盧出豐川鼻祖麗朝國子進士裕我朝參判叔仝校理盼信古堂友明卽玉溪三世玉溪諱禎諡文孝子士詹有才行早死以仲兄郡守士誨之子膺爲後公之考也公娶咸



隋書先生集卷三十二  
安尹氏頰之女貞淑有婦德及公歿引刀自決賴崔  
夫人救護得不死年八十四壬午卒其所後子曰漣  
東奕東益東弼其出而東益男得一得七東奕出爲  
人後男曰得珪得琦女壻高漢元尹弘履皆士人嗚  
呼我東文明之治莫盛於 寧陵初服羣賢彙征士  
論恢張公幸而生於其時苟假之以年壽則言論事  
業必有大可觀者而乃闕折之百不能一施是孰使  
之然哉權文純公尙夏嘗語其門人曰吾先公爲注  
書時與盧公同在實錄史局其華藻行誼最爲當時  
僚友所推重云其言益可徵也公葬于府南霽峰下

坐酉之原淑人耐東益使得一來請銘銘曰  
嶺湖之彥玉溪之孫之才之行宜大爾門旣鳴以文  
胡嗇其年嗚呼已而不我者天

同知黃公墓碣

記余少時在外氏見黃同樞文來臨則吾舅忠文公  
兄弟皆倒屣下階而迎之文孝相公一日偶來致敬  
亦如之公輒居上座不讓時公年已老而廣頰疎眉  
神彩映發軒然若仙鶴之特立聽其言間雜諧笑氣  
味溫醇一見知其爲厚德君子因舅氏之教蓋聞公  
之學得於春翁者爲多云公歿後三十餘年公之孫



隋書先生集卷三十二  
以章來請其樹墓之文余夙慕公德義不敢辭遂按  
其狀而叙之曰公諱世楨字周卿始祖珞以中朝宰  
相新羅時流於東土仍家懷德而遂爲之貫有諱裕  
懷川尉諡良悼尙 太宗大王女其玄孫諱三戒司  
憲府監察於公爲曾祖祖諱穎男掌樂院主簿考諱  
德潤中司馬兩試又登第而見罷無何早世妣高靈  
朴氏宣教郎珙女公生而明秀異凡兒三歲而孤從  
祖叔母趙氏率往懷鄉而收養之六歲始受學於同  
春宋先生一年畢讀十九史先生亟稱其英才公以  
母夫人在洛往來省覲九歲往問綱目於崔相國鳴

吉容止已儼若老成相國稱以大名之器適 天使  
來設彩棚都下老幼爭奔波公獨不觀凝坐讀書人  
皆異之至十二歲以母命專心爲己自是不離師門  
晨夕攝齋祇承提誨性理羣書靡不淹通蓋其天姿  
穎悟故凡於義理綜錯處有聽受而無疑難若有會  
意者殆忘寢食事長接賓必敬必慎進退揖讓自中  
儀度先生眷愛之及門弟子無出右者與先生之胤  
光棊往游於慎齋金先生之門益聞其所不聞先是  
尤菴宋先生與同春同居一村講論道學公又從而  
師焉左右質問啓發爲多公嘗愛杞城星田之幽寂



尤菴以其土素愜於心移屋而同居焉情愛之篤人莫能間焉 孝廟丙申搢紳交口尉薦公連除 英陵參奉童蒙教官皆不就已亥復授教官公以母夫人年淡黽勉就職老峰閔公首遣子鎮長受學學徒日以全集公至誠勤數期至成就近歲以來居是職而盡其責未有如公者云已而棄歸築小窩於燕歧尤菴書贈霽谷幽居四字公仍以爲號焉壬子哭同春先生服喪至期先是尹鑄於公爲最親盜竊重名自其改註中庸公已覩其用心而未忍遽絕至是倡羣不逞售網打之計以已亥服制之議構捏二先生

無所不至竄尤菴于北塞同春亦被追削公駭憤欲死草疏暴兩師之寃又斥鑄穆等欺天誣正之狀懇懇累千餘言疏入卽配珍島備嘗險艱處困愈亨監司朴信圭承望時宰意狀請加罪不果庚申更化蒙宥除義盈庫主簿移工曹佐郎出爲延豐縣監儒雅爲治民頌其惠大臣咸惜公屈騰諸薦章尋有己巳之變尤菴先生初配濟州旋有拿 命公不勝痛迫亟構一疏願以身替囚爲一知舊所挽旣不得籲天則還就前路日夜疾馳到海南津頭與先生行相遇瞻望雨泣先生責其近於婦人遂至長城當夜陪寢



隆慶先生集卷三十二  
至井邑先生受後 命公服喪如喪同春焉甲戌  
坤位復正師誣快伸公牽復 宗廟署令爲一謝力  
疾上京玄石朴公方造朝來見公要與同議國事公  
辭以不敢當卽下鄉其秋門生閔相公以下諸人上  
疏陳誘掖之功伸廩祿之請於是特加通政階仍有  
僉樞之 命公年七十八不謀於人往游楓岳步履  
如飛僧徒咸異之以爲尤菴後初見辛巳判書金公  
昌集白 上以爲黃某踐履之篤年紀之高宜有顯  
褒又加嘉善拜同知中樞府事甲申朝家以 皇朝  
運訖之歲懷恩欲報旣設壇而 親祀之又謀建

廟而筵臣或以諸侯祀天子無古禮難之公慨然陳  
疏言微子抱祭器去之欲行殷祀於去處仍據朱子  
於綱目漢紀特書令郡國立太宗廟之事以明建廟  
之少無未安議竟見格不行識者歎之乙酉二月二  
十三日卒壽八十四屬有微恙書陶靖節乘化歸盡  
之句至夜問侍者曰何晨之遲雞鳴偃恬然而逝以  
其年四月葬于全義之沙村與夫人同塋公內行甚  
至嘗以早孤爲至痛順適親意靡不用極事伯兄如  
嚴父至於遇妻子御婢僕倫理克正恩愛兼篤皆可  
以爲後法自髫歲師事同春動靜語默無不心識而



體行篤信尊奉白首如一日每以發揮先師盛德爲已任撮記遺事附文集之末又與同門諸友草定年譜黔潭卽先生別業而去霽谷不遠公倡起多士專祀先生雖大耋之後有時造謁以寓追慕之誠至於尤菴一體尊事到老彌篤乙卯一疏誠得致死之義中間雖積有疑謗而終則釋然也每遇慎齋同春尤菴三先生諱日食素哀慕以至末年曾襟灑然不設畛域閒居獨處儼若有思及至待人接物只是一團和氣平生未嘗以師道自處而隨其人之至誠誨之不倦傍近院儒多推以爲山長凡所以教導諸生指

揮院事一遵兩師門成法待鄉人一於誠信尤不喜論人長短發人陰私而有一善一行之可取者則必稱以揚之要使成就而後已雖身在草野而於朝廷得失之機賢邪進退之際未嘗不激昂慷慨憂喜輒形于色朝夕屢空淡若山僧而無一言及於產業只與二三學子講討自娛不知老之至也夫人延安李氏察訪宣女樗軒之後二男三女男爓翊衛司司禦燁通德郎出爲伯父後女適士人崔壽石監役宋徵遠士人洪禹天熟薰其側出也司禦男以章縣令以雄通德郎女婿宣傳官李夏重士人申光道鄭昌佐



燁男以大以泰女婿士人鄭夏賓池翼禎崔子始重始光始德宋子復明著明龜明洪繼子啓祿內外曾玄不能盡記系之以銘銘曰

春老之門曰有賢士髫齡攝齊自知爲己一事尤翁不替終始平陂往復吾道方否尺疏叫閣碧波瀾瀾生三之義蓋重致死中間睽阻遇雨之喜一柱亭亭山頽之後坐致列卿邱園白首典刑之餘足見善誘儀表後生天錫壽考翛然歸盡怛化何有仙鶴風度尙能記取屢辱誨語如醉醇酒載銘玄石用示悠久雖微我筆亦可不朽

察訪許公墓碣

近世滄海翁號奇士丙丁後慨然自廢用詩酒老公其兄子也公亦尙氣節常言我東方蒙被神宗皇帝再造之恩古亦有茅屋祀之者草疏欲上不果上公歿後一年甲申議築大報壇相國申公琬白上曰故察訪臣焯嘗建是議矣旣而壇成士林又建祠于華陽之洞嗚呼恨不令公見之也許氏出陽川我朝左議政璫左贊成砦大顯由贊成四世爲主簿楠實公考滄海翁名格主簿娶原州李氏頤俊之女天啓丁卯生公公字夏昌年十七始授書數歲



陶菴先生集卷三十二  
出遊膠庠輒屈其曹偶文辭放逸滄海翁大歎賞之  
公生而失恃終身以爲戚事繼母孝母寢疾左右扶  
護惟勤每倚壁達宵汗漿衣爛冬則雪霰被體如是  
者十餘歲家貧躬漁獵供旨甘里社間得一味必懷  
歸父病割指居前後喪皆啜粥廬墓公自負才氣竟  
蹉跎不偶同宗有顯者欲援之仕惡其權勢斥絕之  
晚除慶安道察訪赴官數月解歸老年傲香山會名  
曰五一以自娛年七十七卒卒之日九月四日室晉  
州姜氏同樞說之女後公十四年而卒合祔于廣州  
小石洞一男星女適判官李志洵士人李保春李重

哲鄭老徵李尚晟外孫顯者文學李瑋判官出公骯  
髒不俗每憂時慷慨嘗奏萬言疏不報玄石朴公作  
詩許以知音有平生不盡君民策之句其負抱可見  
然此於公未爲大今世士大夫不復知有尊周之義  
久矣公能於此拳拳不忘書雖不得上而其言則固  
未始不行也嗚呼躋哉星曾屬余文而遽歿矣幽明  
之間未忍傷孝子心就狀中最其大者以歸爲星後  
者其名鏞云銘曰

峨峨乎禁苑之 壇肅肅乎華陽之 祠四鄰未出  
何必吾爲欲觀公志請攷于茲



判書洪公墓碣

粵在 肅廟初服名公巨卿磊落相望其以 王室  
 近戚扶護士類屢經世變而所操如一者惟貞簡洪  
 公乎公豐山人文懿公柱元尚 宣祖女貞明公主  
 封永安尉公其嗣子也祖禮曹參判襄曾祖大司憲  
 履祥以經術德行名于世公諱萬容字伯涵金華其  
 號也 孝宗辛卯中進士兩試壬寅庭試丙午重試  
 俱壯元初授成均館典籍遷禮兵曹佐郎累拜司諫  
 院正言司憲府持平由京畿都事薦入玉堂為修撰  
 校理以吏曹佐郎兼侍講院文學校書館校理中學

教授知製 教轉獻納陞司僕寺正改副應教丁未  
 以都廳勞加通政階明年拜承政院同副承旨其為  
 言官也首論庠學醜正者之罪其徒南重維疏詬栗  
 牛兩賢仍并攻公 上惡斥之徐必遠引祖孫不復  
 讎之說得罪士論公因避辭而明其是非李公端夏  
 閔公著重金公益炅朴公長遠非罪被譴也公輒隨  
 事諫正其在玉堂因災異上劄請奮 聖志革舊習  
 察民瘼決壅蔽數開經筵以講治體及在吏曹長官  
 有欲引用匪材於近密者公執不可至日晚下獄坐  
 罷後又爭銓注忤 旨出補高山察訪大臣陳其得



隆慶先生集卷三十二  
體 上遽從之時 上久有疾不視朝公以承旨請  
延接臣僚盡修省之道 上亦許之轉右副拜大司  
諫戶曹參議兵曹參知己酉春以左副承旨從 幸  
溫泉移吏曹參議自是連爲承旨禮工曹參議大司  
諫時賊臣吳挺昌以持平投疏請張眩亂語多陰險  
公論請其罪執義李公翔疏論許積奸狀 上疑其  
爲黨論至命削黜公又請還收其正議不阿類如此  
未幾文懿公卒服除又爲大司諫時羣凶濁亂兩司  
有二宋先生遠竄追奪之啓公力言其戕賢毒正之  
罪 上以爲負國護黨特罷之庚申改紀陞京畿監

司旋移漢城府右尹兵曹參判都摠府副摠管爲都  
承旨侍講心經公言曰 先王嘗命宋浚吉講是書  
補益弘多今宋時烈在朝宜頻賜引接以時顧問豈  
可聽其老而不留自助也 上嘉納焉初吳始壽因  
虜使弔祭假其言誣辱 先王已而事覺鞫問尋賜  
死旋寢其 命公以大司憲率三司請對力言其不  
可 上特從之是時朝臣以此論執經年而不能得  
至是皆歎公之一言有回天之力也明年以都承旨  
陞嘉義歷工刑禮參判同知敦寧義禁府春秋成均  
館事嘗言於 上曰昔相臣鄭澈爲知申事當 宣



廟遇災求言之日有陳戒之啓而語多切實可行於今遂并寫其本以進 上亦嘉納之遷吏曹參判是歲癸亥三月 仁祖反正甲子一周而公主尚無恙領議政金公壽恒請別賜慶問 上置宴設樂公卽上箋謝 恩一時榮之翌年用 明聖王后殯殿都監勞進資憲大夫工禮曹判書乙丑遭憂除喪拜知中樞議政府右參贊兼知經筵復拜大司憲正言鄭濬嘗奏劾吳道一麤悖狀至是持平金洪福欲彈濬公抗議不撓終見論遞士論益傾嚮焉冬使燕明年己巳還朝時庚申餘孽復起用事卽謝病陳疏盡解

諸職杜門不見賓客及 王妃遜位羣凶庭請而不強爭公在班中正色折之自構草將力諫之凶徒尤側目旣而退歸高陽先墓下日飲酒無所問或語及國家事輒泫然涕下無何以疾昇還京第竟以壬申六月六日卒春秋六十二訃聞 上輟朝弔祭如例以其年八月九日葬于豐德祖江文懿公墓兆之次今 上丙午賜諡貞簡公器度凝遠言語簡重恭以持已謙於接人其出處去就常與世治亂相參而言論風裁足以增吾道之重忠誠懇惻愛君憂國不以進退而有殊然至權要重職逡巡辭避而不居顧乃



陶菴先生集卷三十一  
優游閒局以自娛焉是以雖經涉世禍而卒無所嬰也其居家孝友儉約出於天性既老白首朝夕怡愉於親側不失嬰兒之愛兄弟析產分居也相持號哭不忍遽離所居第或敝漏不治子弟請修飾則公止之曰先人遺迹猶存乎斯何忍易以新之其仁如此嗚呼斯其所以令聞長德光于家國蔚然爲近世名卿人不得以間之者歟噫其盛矣配貞夫人礪山宋氏都承旨 贈吏曹判書時吉之女先公十五年卒從葬公墓有尤菴所爲誌公凡有五男三女男重箕進士僉正次重範生員僉正次重衍進士府使次重

福進士敦寧府都正次重疇進士壯元參判女適參判李大成注書沈龜瑞正郎李師亮孫男參判錫輔判書鉉輔重箕出郡守鼎輔錡輔重範出重衍繼子鑑輔僉正重福男鏡輔正言重疇男郡守銓輔鑑輔進士欽輔內外孫曾多不能盡記而尸公祀者大司諫象漢也鉉輔之男洗馬鳳漢有女冊我 世子嬪公之篤慶毓祉其將與國家無窮矣於乎休哉銘曰富而能儉貴而不驕 王國之毗令聞式昭職思其居有言則躋魃奸守貞靡悔于圯詩酒棲遲我行不時旣忠以孝士類攸依寬樂令終子孫承承祖江之



原有封不陵銘于墓隧以視無止

佐郎柳公墓碣

公諱侑字叔惠柳氏爲全州望族考諱東閔 贈參  
議祖諱永會軍資監正曾祖諱希泗 贈承旨妣晉  
州蘇氏公生而穎悟纔授書便能善問長者莫能難  
六歲作松濤賦稱爲奇童及長累魁鄉解丙午生員  
壬子庭對中第公嘗居泮惡賊鑄改中庸章句爲著  
書發明朱子本旨鑄銜之坐是枳於榮塗甲寅凶人  
朴瀆投匭語犯 慈聖公在國子與史官趙公持謙  
通議施罰士論偉之序陞典籍歷司憲府監察禮曹

正郎兵曹佐郎太學士金公錫胄選文士兼承文校  
檢公亦與焉外則爲保寧康翎二縣戊辰又除興海  
郡守翌年時事大變公不樂在官罷歸自是斂迹鄉  
里不復進取丁丑薄遊都下以疾六月六日卒年六  
十七歸葬于任實無厭山向坤之原公聰明絕人於  
書十行俱下過眼卽成誦善屬文下筆數千百言又  
長於史學貫穿古今晚年喜讀小學心經諸書取聖  
賢要語揭諸座右又刻木以佩之持已不苟尤嚴於  
貨色兩關蓋公父祖遊於栗沙二先生之門故濡染  
有素殊不以文藝自喜也善居喪三年不入中門臨



陽春先生集卷三十一  
祭致慤雖大冬必沐浴事兄如父於宗黨一如晁以  
道家法其內行如此而居官則守清慎勤三字亦不  
欲人知平居和易不爲斬截之行而疾惡如讎憂時  
憤俗往往廢食語及古忠臣烈士未嘗不流涕每有  
爲國一死之志然卒無以自見於世惜哉始公仕而  
爲貧不屑其去就閱歷世變操守采確性又骯髒寡  
交遊尤恥見達官要人以是坎壈終身而無所怨悔  
杜門却掃書籍自娛間又遊名山水以舒其壹鬱焉  
有文若干卷藏于家配洪陽李氏護軍稷之女有婦  
德生卒皆後公四載葬而祔二男忠玉光玉皆生員

長房男綰次房男組生員組女適士人金始增輝天  
輝台綰組出組男幼壻之子胤光宣傳官組來乞銘  
銘曰

公生南紀文行寡伍晉塗方闢而孰尼汝衆則翕熱  
我不媚嫵維腹爲笥中涵三古持以自娛得喪奚數  
抱此奇氣反歸于土刻銘闡幽庸示來許

僉知柳公墓碣

公諱晏字長卿完山人麗季寶文閣直提學克恕其  
遠祖也至我朝有大司諫諱軒錄清白後三世軍器  
寺副正諱永成是生諱秩鐵原府使丁卯虜變立懂



陸菴先生集卷三十一  
生諱孝昌成均生員娶全州李氏縣監敬義女公其子也 顯宗癸卯生員 肅宗甲子文科年已五十 二以甲科例授司宰監直長歷成均館典籍直講司 藝司憲府監察禮曹佐郎正郎 宗廟署令禮賓寺 正外則全羅都事鎮岑縣監文川郡守蔚山府使戊 寅由承文院判校陞通政僉知中樞府事五衛將戊 子六月二十五日卒壽七十六葬于楊州松山庚坐 之原夫人李氏之葬距公墓約五百步夫人孝寧大 君補之後承文博士昌馨之女也余嘗恠公以故家 華閥宜達而室立朝數十年遲回薄宦朝廷屢有大

進退而榮辱不一及於其身豈古所謂隱德自晦者 歟及得公外孫李徵士東公舉所爲狀讀之蓋知公 非流俗人氣度冲遠喜怒不形于色杜門淡居不問 家有無惟好讀書老而不輟有時興至幾於舞蹈不 知者曰此有何樂人有訪者誠心遇之去而不復報 謝若所謂黨習時好一切榮利不一經於心口世方 以翕翕爲熱而公則泊然自守如此其不得於人也 宜哉又其奉祭祀以禮教子弟以義家法斬斬可觀 人亦莫能知其知不知於公何與焉嗚呼公可謂 恬靜篤行人也公四男三女男春元春蕃春根春植



附錄先生集卷三十二  
女適郡守李秦貞徵士其子也次爲士人尹東相李  
喜昌妻孫曰塗塾學至在慤懿在進士春植來乞銘  
余不及識公而素重徵士之賢其言爲可徵遂不辭  
銘曰  
古井不食其中湛寒我心爲惻外孫之賢可徵厥德  
請刻于石

縣令韓公墓碣

尤菴宋文正先生任繼開之責一時才俊多出其門  
如韓公伯箕嚮五者最有盛名人謂合置文學政事  
之科公始見先生于華陽山裏以詩呈于先生曰行

藏在我初心見顯晦隨時至理存俗客但知山水樂  
這般真味與誰言自後心誠悅服之意屢形於吟咏  
之間凡於經禮之說亦多往復評訂焉先生或入都  
下必主於公其相契之深可知也公內舅沂川洪公  
命夏居廟堂而爲山林主人凡係斯文事必與公相  
議而後決之及乙卯士禍作先生竄北關公時爲甌  
山縣卽投紱歸年四十三丙辰卒先生在謫中哭之  
慟抵書畏齋李公端夏有曰韓嚮五不起之音實是  
運氣所關清州之韓爲東方望族高麗柳巷諱脩以  
文學著公其後也曾祖諱孝仲同樞以直言著節昏



附錄先生集卷三十一  
朝祖諱必遠禮曹參判考諱如斗掌隸院司評公以  
崇禎甲戌生風骨俊爽甫四歲春沼申公最奇之許  
歸以女及昏人見其老成咸服其藻鑑素不喜遊嬉  
常凝然端坐人莫敢以戲言加之嚴毅如此而其在  
親側則和氣融融未嘗高聲言語親心所欲莫不先  
意承奉至於內外親戚皆以誠意待之不設畦畛人  
無大小必罄其歡心申冕於公爲姻屬而公惡其人  
早與之絕冕果敗公伯父僉樞公與司評公俱有遜  
世志不與時合公亦畱心於古人爲己之學無意榮  
進而以參判公命黽勉公車丙午中生員翌年除金

井道察訪秩滿移漢城府參軍辛亥別擇賑郎公兼  
管陞司饗院主簿壬子春又差賑郎移疾罷旋叙爲  
司憲府監察秋曹郎癸丑 寧陵遷奉時差都監郎  
換水曹竣事拜軍資監判官其出爲甌山則在甲寅  
在官賞罰公平撫字勤摯宿弊漸革奸猾亦戢人稱  
之以爲廉潔之治近歲所未有云及決歸眷屬尚在  
衙封庫官除出半百斛米以資行費金淑人却而不  
受曰夫子居官清白有此積聚爲民也吾豈不體其  
意而受無名之物卽此而知刑家之一端也以少年  
韋布蔚有公輔之望與洪得禹趙相愚齊名有三士



隱者先生集卷三十一  
之稱不幸早世不得展布其所蘊卒後數歲庚申羣  
凶逆黜尤菴先生宥還而公不及見矣公元配平山  
申氏一女適都正尹春教再娶順天金氏鏡女男女  
各一人男重朝以成就後學陞資僉樞以孝行 贈  
吏曹參判女適正郎李宜相孫命玄三男正養生員  
蚤歿次聖養生員次敬養公始葬驪州新村後移葬  
于局內參判公墓右負乾之原命玄使敬養來乞銘  
銘曰

孔門惟商號爲篤信公於事一早能自盡時有平陂  
義同舒卷於所爲主相與可見孝順之德乃其根源

中道夭闕天理寧論大老號咷哀若喪子一命之卑  
謂係運氣志苑雲雷百不一施不及清時嗚呼窳窳  
八哀之詩慟均今昔我闡厥幽載勒玄石

縣監宋公墓碣

清州有所謂三賢閭者西阜圭菴兄弟及其妹婿東  
洲翁所居公西阜公之來孫也諱元錫字善長生于  
永同旣長從其考察訪公從而家焉叔祖尤菴先生  
題其齋曰蒼巖精舍因以蒼巖號焉先生嘗稱其甚  
有學行云恩津之宋故多賢由雙清堂愉至西阜爲  
數世西阜諱龜壽其孫邦祚清名直節世所稱習靜



陶菴先生集卷三十二  
公者是生諱時榮丁丑虜變立懂于江都諡曰忠顯  
察訪公其嗣子諱基隆以行諛聞守志不仕公眙胎  
前光生而質美察訪公又教之嚴自五六歲學于尤  
菴又遊同春先生之門諸先生器重之公早知有向  
上工夫益奮志自勵質疑請益方進而未已中年被  
疾幾危未幾同春捐後學尤菴愠于羣壬卒以身殉  
道世故翻覆百端而公亦老矣公自以不能肆力學  
問爲恨而惟淡居讀書得味於安靜之地世亦無知  
公之蘊者然其可見之行則本於孝悌事親容色愉  
婉往往爲嬰兒戲與兩弟居湛樂無間弟歿撫其子

如己子其教子孫遠雜戲敦實行當祭蠲潔致誠進  
退可度每晨拜廟退而坐中堂治家事井井有條理  
鄉鄰敬服從遊者衆一時名卿鉅公多尉薦之始除  
昌陵參奉不赴後特陞六品爲造紙署別提又不赴  
丙子爲鎮岑縣監公本不樂仕宦至是爲延忠顯公  
諡一赴官屬歲荒單心賑饑遇不悅者爲御史撫微  
事置對旋辨哲公在道作詩有歸臥東山之語是後  
除翊衛司衛率不起戊子七月二日卒去其生 崇  
禎乙亥七十四葬于州南榛谷負卯之原與精舍五  
里而近公外祖咸平李弼元室韓山李氏牧隱之後



附錄先生集卷三十一  
考曰尚稷能儉而勤以配公德後公四年生其卒在  
癸亥公歿而耐焉三男四女男長達源有至行公卒  
後數歲歿士友惜之次活源發源女適郭載績經歷  
李秀衡尹商柱李顯成高源徹源及柳屋妻側出也  
達源子羲相周相活源子夏相發源子漢相郭鎮維  
鎮普鎮輿鎮奎李思兼思贊思勗尹炯李端中其外  
孫公器度莊重倉卒無遽言和氣滿容可親而不可  
慢曾懷寬曠樂道人之善退然若懦而中則有守幼  
從尤菴於沃州江上山齋近墓門有時陰雨鬼嘯震  
屋公獨宿無難色嘗到漢江颶風幾覆舟舟中人惶

急乞命視公正冠危坐莫不異之晚多病或勸移舍  
以禳之公笑曰鬼能爲祟其可逃乎家人不敢爲巫  
祝禱祀之事家業芴落而一不置諸懷間與友朋徜徉  
泉石命觴哦詩以爲樂作事必求遠圖爲善必矜  
細行不爲苟難以高於衆不喜僂給以適於時其素  
性然也好讀大學又夜誦西銘心經老而不倦遂菴  
權公聞公訃爲之慟曰耆德凋喪吾道益孤其見重  
如此義相能紹述家學纂公事行使來請銘以紿有  
累世之好銘曰

詩云恭人維德温温孰賦厥美公有淵源大賢之宗



忠臣之孫自躬而推行孚于家施及鄉隣薰德飲和  
我想其容淡愛積中世道累壇公髮亦華左松右菊  
林也婆娑我有詩書其樂只且疇其式者三賢之闔  
豈無居人噫公可思我闡潛德作此銘詩

佐郎崔公墓碣

肅宗辛巳六月崔公弘甸卒于漢師年六十六李相  
國舍諸人爲具棺及凡喪事歸葬興陽之中山遂菴  
權公尙夏旣錄其事行三州李緯題其碣曰公字壽  
會生有異夢起孤寒力學取明經第星曆堪輿家近  
世儒莫學公兼能之又善望氣言多驗最邃於易晚

喜心經近思錄其學博而卒反之正性至孝父母歿  
讀書至父母字涕下篤信尤菴先生嘗曰孔子作春  
秋朱子述綱目我東惟此老擔荷得此義彼設淫辭  
而助之攻者何哉己巳禍僂棄官歸放浪山海或勸  
之仕則書報曰君看牛斗南少微星如何前後再爲  
郵官得陰竹縣忤當路不克赴官不過水部郎蓋公  
貌不揚又訥於言骯髒塵俗間人莫能知也公得鍊  
氣術能數月不飢感微疾與人論天文半餉而逝穆  
然若安寢嘗聞公註參同契豈亦崆峒道士遺意耶  
崔氏出耽津君思全世家寶城祖夢得父南振母某



郡金氏二子台岳華岳華岳嘗請業於遂菴之門云  
護軍李公墓碣

尤菴先生梲棘于蓬山朝夕禍不測會大旱李公東  
亨獨草疏數百言叫闕訟先生冤凶徒投之慶源時  
戊午六月慶去漢師二千餘里公始爲老母在遲徊  
久之金夫人知其意謂曰生三事一義也余恐范滂  
母笑人公意乃決及別夫人處之泰然先生聞之曰  
噫是宜有是子矣先是夫人疾革公同時遘癘能自  
力斫指以進夫人康寧且十年及公宥還夫人先一  
歲歿矣聞者傷之公字泰卿驪州人其見於譜者高

麗翰林學士臯我朝吏曹參判審最顯有諱錙判官  
壬辰爲體察白衣從事特 贈左承旨是生司議諱  
德言松江門人見重士友間亦 贈承旨生諱烜進  
士 贈參判於公爲考夫人籍順天縣監日新之女  
公 崇禎丁丑生癸丑司馬少師事先生先生許其  
氣槩其在謫憫北俗蚩蠢揀其民秀教小學講四禮  
作成者多聞夫人訃哭踊頓絕水漿不入於口者十  
日慶人歎曰孝子孝子壬戌 齊陵參奉序遷典獄  
署奉事理犴屋去溲汗囚以不連死由繕工監直長  
改宗簿軍資陞典牲署主簿移司憲府監察道遇達



陽春先生集卷三十二  
官不爲避公服拱立大臣亦下而相揖古規也歷戶  
刑二曹郎社稷署令漢城府判官庶尹於外爲新寧  
白川杆城在寧設鄉約省民徭訪節孝高年周以食  
物又值先生禍作卽日棄歸乙亥大饑白爲甚公以  
公幹赴闕 上召入勉諭公退而泣竭心調活民無  
捐瘠隣邑民枉罹倫常大獄一言疏決人稱神明爲  
御史挾私論罷在杆又爲臺臣所劾去二郡人輒走  
闕下懇寃歸水原光教山下結茅以居雜樹花木嘯  
詠其間家屢空不問也晚爲左水運判官進通政  
肅廟溫幸復進嘉善以優老也除五衛將不拜年八

十一卒公爲人軒豁好談論喜飲酒子弟未嘗見皺  
眉然見哀矜者涕淫淫欲下在邑洞開其門窮族歸  
之爲資裝迎婿舍己子而先兄之子爲遠祖置祭田  
合宗族立契法又篤於朋友脫驂襪衣無難色訃至  
必爲位而哭一家論議乖張由由然善處其間平居  
口不道是非或有語犯師門者怒叱之鬚髯輒張配  
恩津宋氏考曰察訪 贈參判國憲先公卒窆于清  
州造次山坐亥之原公始葬廣州後四歲庚子遷而  
合封焉二男膺文科掌令厦直長壻士人徐宗萬  
贈判書趙泰夏教官宋有源士人柳命權廉與厚側



出也壽龍壽岳正言朴弼均妻長房出壽松壽栢進  
士黃鵬河士人金碓妻二房出三婿子徐命楫命楷  
命樛命棫兵使趙虎臣宋得相沃相命相鳳相余不  
及拜公而因公之狀得公實行其在邦在家可書者  
不一然且有大焉當 寧陵盛際先生在朝謀猷密  
勿公時未見先生年且弱冠而手自磨劔曰時乎時  
乎每讀出師表慨然太息其志氣可謂偉然近世士  
大夫不復知有復雪二字久矣嗚呼如公者何處得  
來是不愧爲先生弟子也銘曰  
嗟哉是翁陸沉兮朱墨缶歌兮蓬華少時壯心兮誰

知古劔顏色兮霜雪雲天嶽兮兩脚血事如一兮義  
炳日今之人何獨無此性兮或助攻而自絕我最其  
大兮味者之咀

參奉鄭公墓碣

鄭氏出延日圃隱先生當麗季運訖與國俱亡精忠  
大節直與日月爭光且其倡明性理以啓吾邦三百  
年文明之治尤菴宋文正先生作大碑闡揚之其孫  
監察諱保當 世祖丙子獄爲六臣慷慨欲死被  
親鞫亦不屈將輓之以忠臣之孫特貸其死其後數  
世又有典籤諱儁當丙子虜難崔鳴吉等立碑頌戰



功而閣之以媚于虜以瓦署郎恥不肯供瓦遂不仕  
絳猥爲二公作墓銘嗚呼鄭氏之門一何多賢也公  
諱星徵字文甫考郡守 贈承旨雲翰典籤之子監  
察則典籤之幾世祖也公生而有俊才文辭夙就屢  
捷發解顧以早孤終鮮無意於世杜門淡居寓意稼  
穡溪得古人樹藝之妙圃隱先生宗孫繼光蚤死其  
諸孤窮而靡依公單心竭力攝其宗事方謀諸宗人  
移朔祠廟會時相吳始壽白 上命有司造給又以  
宗孫稚弱特除公 章陵參奉權奉先生祀公黽勉  
應 命而意不樂也及庚申新化老峰閔相公鼎重

請別建影堂以俛後學展敬已而尤菴先生又請廩  
繼光孤子之流落湖西者亟歸守祠公喜曰吾事畢  
矣適仕滿例陞典獄署奉事遂即日棄歸尤菴先生  
聞而善之公自是大歸田里以知足名其堂婆娑其  
中雖家無甌石而晏如也好讀論語及朱子書至老  
不倦以承旨公宅兆不吉移窆於鴻山公衰病不能  
來往方卜地於新壠近地攜諸姪同居以倣張公藝  
故事遇大侵不克就以疾卒于青陽寓舍時己卯閏  
七月也壽六十一遺命勿書官名於銘旌蓋以始初  
就職爲恥也葬於鴻山之鄒谷距承旨公墓十餘里



陪者先生集卷三十一  
公配南陽洪鑣之女六男二女男纘一纘彬纘馨纘  
淵纘明最季未娶而夭女婿士人金柱南柳一星諸  
孫曰錘銖錔銜銜鐸鑄鎗鎗纘馨之子而爲纘明  
後者也遠來乞銘余惟公之溫雅之資敦睦之行固  
已見重於宗黨鄉里而性本恬靜不喜交游不事矜  
銜以是知公者蓋鮮而又不幸遭時屯否終於一命  
豈非命之窮耶余故歷叙公先世德美事業之大者  
以見公之賢有自來者而重恨公不能大有樹立以  
增光於先烈也銘曰  
在易之比戒存匪人噫公一命偶丁不辰黽勉祿仕

卒無緇磷雖見清時自甘農民讀書安分以終厥身  
嗚呼圃翁義兼賢親曷云無忝祇足自珍我表其志  
以刻貞珉

主簿敬菴李公墓碣

子朱子嘗歷舉入敬之方首之以程子主一無適之  
訓謝尹諸先生之說次之用力次第蓋莫詳於此後  
之學者非不讀是書而鮮或真知而實踐焉近世李  
公行泰能以是爲己任終身力持死而後已學者稱  
之曰敬菴先生人以爲庶幾無愧於是名云公字泰  
而全義人二歲而孤幼有至行得異味輒曰吾母食



陸者先生集卷三十一  
否母夫人不食則不食也喜讀書夜以繼晷及長治  
舉業累發解年三十三偶患心疾忽惕然感發於栗  
谷先生非學問無以爲人之語遂盡棄其業而學焉  
甲寅始從玄石朴先生請業日取小學大學心經近  
思錄諸書讀之晨昏定省餘惟叉手高拱終日兀然  
家屢空而讀書自若神氣益清茂人勸其少輟則曰  
我自樂此爾又笑曰雖飢讀書外亦做何事自以晚  
學必須下人一已百之功勵志益嚴學以頓進癸亥  
丁母夫人憂後又就近師門移寓江郊玄石每見門  
人輒曰近見李某否與之講學必大有益以故同門

之士迭來扣問後生從遊者亦衆甲戌朝廷議薦士  
大司成徐公宗泰以公應 命曰行詒純固未幾哭  
玄石心喪期年戊寅始除 昌陵參奉以不敢當薦  
目辭不就又移居楊根北山之巖溪癸未復授 穆  
寢郎公自謂世臣分義不當數辭既肅 命盡心職  
事不暫離職次奉審及焚香必舍輿而步 忌辰朔  
望所需香炭別儲之不混於他用又建一庫以藏凡  
百器用嘗笑謂人曰吾爲是官得展所學多矣移童  
蒙教官公旣善誘掖德容又令人觀感故蒙生始雖  
厭其拘束而終則帖然遵教行於道上必拱手徐步



隆者先生集卷三十一  
威儀可觀不問可知爲公弟子也仕滿謝疾不應講  
自免後除世子翊衛司洗馬閔公鎮遠又薦公篤  
行金相國昌集奏陞六品階授宗簿寺主簿皆不起  
年七十九戊戌十二月十七日卒疾革謂其子曰吾  
默念平日事親之節無大愧於心而不幸墜馬傷腕  
骨以是甚慙於啓手也夜半又謂曰吾常夙興而今  
晏矣爾其扶而坐我起輒困乏旋臥歎曰已矣無一  
語及他事侍者請曰欲見某女某孫乎揮手止之恬  
然而終葬忠州仰巖坐丙原令人申氏祔公自初爲  
學卽以古聖賢自期自少至老未嘗一日措其身於

浮情不實之域嘗謂學者曰敬是一心之主宰而心  
又此身之主持敬以存心存心以明理明理以誠身  
則敬卽聖學之第一義也又曰隨事必敬有物必敬  
語亦敬默亦敬寤於敬寐於敬吾之一身與敬爲一  
則自然無過動必合道矣又曰謝尹二先生言固切  
實而但無摸捉處不如就九容上捉得定且論九容  
之義曰足容視他容尤難以是居先重不特徐緩之  
謂也雖急步疾趨之中亦有重容蓋步步心存不失  
其容則行雖疾而重固自在也於此可見公用工之  
實而平居肩背竦直一如泥塑人雖家人子弟未或



隱者先生集卷三十一  
見其夷坐欠伸也蓋不待勉強而自然有成法呂與  
叔六月中緹氏氣象殆似之矣年迫八旬於衛武抑  
戒欽歎不已每自誦曰朝聞夕死可也豈以年老而  
有所弛放也日必整衣冠植坐竟晷見者無不驚異  
曰八十翁乃如是耶有來學者必先授小學曰以小  
學律身以大學窮理則修治之道綽然有裕矣天資  
質實終身無偽言偽行而持已嚴正常不食私屠肉  
被服不御間色居處飲食殆非人所堪而處之晏如  
嘗謂子孫曰使吾不志於學蓋不知爲何狀人雖老  
且窮而終無所悔爾曹勿以我爲戒又慎於取予每

曰苟非其義雖千駟萬鍾視若糞土而有不取雖秋  
毫之微重如千金而不予然性好施不計家之有  
無曰若待積而後散則我無可散之日矣事母夫人  
愛敬交至忠養悉備其居喪四日絕飲三月歆粥期  
以前疏食水飲三年之內夏不扇冬不襲人有請學  
者略略酬酢曰先儒固亦有居憂授徒者恐終未安  
見大夫人素所服用及手澤所存者未嘗不泫然忌  
日不食餽曰心有所不忍豈甘於口值先忌若未逮  
事則必披觀其遺言遺行以致思焉雅好佳山水興  
到翛然獨往嘯詠忘歸曰不琴不瑟之中自有我樂



雖其遯迹林下而意未嘗忘世嘗以崇節義辨邪正  
爲本甲戌更化玄石造朝秉軸者方營護國賊舉朝  
靡然公爲力言其不可玄石之議遂定戊寅唐米之  
來也或有問其當否者公歎曰聞請米之奏至以普  
天王臣爲辭羞辱甚矣堂堂周粟夷齊尙不食况此  
胡米乎嘗慨然曰縱不能躋斯世於三代獨不可做  
小康乎吾欲成萬言疏且編一書名曰治平要訣以  
獻吾君而不能得也見經幄奏劄則歎曰辭非不  
美而彼以躬所未行者勸君何能感格乎苟有益稷  
之臣則不患吾君之不爲堯舜也嘗論儒者進退之

道曰近世儒者有位致三事而不識君面者非儒非  
隱古未有如許出處也又講究禁絕僧徒之策論說  
甚詳使可底行焉所著書有日用至訣四禮類會三  
才撮要詩稿若干編藏于家李氏出麗大師棹我朝  
孝靖公貞幹以孝聞累傳至節度使諱濟臣號清江  
其第三子都事諱考俊出爲族父進士崇慶後即公  
祖考考諱德基 贈判書配平山申氏年七十七先  
公三歲歿繼子萬格四女婿縣監朴壽漢士人趙錫  
奎洪禹九進士俞興基萬格三男徵大徵壽徵光女  
適士人沈垸昔 明儒胡敬齋以敬名齋於其所著



陸菴先生集卷三十一  
居閒錄中論敬最詳惟其身有之故言之親切而有  
味公之於敬蓋亦如此而一生服行至死不懈其施  
諸人也亦易從焉記曰修身踐言謂之善行孟子曰  
以身徇道公實有焉粹生也後未能覲公德容而竊  
聽於士友間其爲已篤實之功蓋眇公比願爲之執  
鞭而不可得矣嗣子萬格將豎碣于墓來請文不敢  
辭系之以銘銘曰

古之君子學惟爲己終身力此斃而後已論其節度  
敬有妙理自程先生暨謝尹氏標揭以示厥有終始  
坦然由之其道如砥嗟世之季日趨虛偽旣鮮篤實

那免恣肆迺挺豪士全義之李栗翁有訓奮然興起  
爰初爲學已見大意蚤夜孳孳於敬一字真誠之積  
外著章美其容粹然其坐如峙迺在大耄不離造次  
如富鄭公座隅書識維北有山維東有水濂溪百原  
我樂在是出處適義忘世匪志荷篠亂倫畫牛若戲  
顰呻憂世感激論事孰置君側俾民受賜林泉不  
恨溝壑堪喟我誦斯詩以風有位







